



Aukuso 2021

UPU TOMUA & MAFAUFAUGA FA'ALEAGAGA

“FA'ATALITALI ILE ATUA.”

Talatuua ia sa ole tiuga a tautaiali'i ole lepaga i vasa mamao, aua Paia uluulu mamau, ole Paia aua le afifio ole au va'a tootoo o le talalelei. O Paia fo'i a'o mamalu le avea aua le tu'itu'i malofie a'o le tapuaiga mau i Aiga. Mamalu i faleupolu, Faletua ma tausi aemaise o muliauma 'ese'ese o la tatou Kapelenisia Samoa, ole a le toe tapu'eina fa'alauae, ae lalago ane i maota si'itia Paia ma mamalu ia. O lele fo'i ua tuanai atu, atuava ma atuvasa o le tatou faigamalaga o le masina o lulai. Ua finagalo malie le mata'isau o mea uma e sopoia mai lenei masina fou o Aukuso i lo outou soifua, ma so matou ola vaivai. Faamalo le soifua lelei. Faamalo fo'i le folau manuia. O lea fo'i ua tatou to'a mai i Nu'u matagofie.

Fai mai le tatou Mafaufauga Fa'aleagaga “**Faatalitali ile Atua**”.

E le masani ona ta'u mai e le Atua pe faapefeca ona ia tali mai ia tatou tatalo. Ae po'o le a fo'i le taimi e tali mai ai. Peitai, ua uma ona ia folafola mai i e FA'ATALITALI atu ia te ia le mea e mautinoa e tasi. **Ole malosi**”.

Ole upu Eperu (qawah-niphal) o lo'o faaliliu mai ai le upu “faatalitali. “ ole isi ona uiga e faasino i le faiga/filiga ole maea. O so'o se maea lava, e amata mai i sina manoa laititi lava, po'o se filo faatauvaa, e vaivai ma itiiti i le amataga, ae ole faaopopo ma fili atu pea i ai le manoa ma lea manoa, ole atili faaopopoina ai fo'i lena o le malosi ole maea. E faapena le “ faatalitali “ile Alii. O taimi uma lava e te faatali atu ai ia te ia, o le faaopopoina atu fo'i lena o lou malosi, e te gafatiaina ai mea faigata o lo'o oulua feagai. Afai o lo'o e lagona o lo'o pei o e tautau i se manoa ile taimi nei, aua le popole pe e te atuatuvalue, ae **faatalitali** ile Atua. Ia lava le taimi e mafuta ai ma le Atua e ala ile faitau ma mafaufau loloto i lana Afioga Paia, aemaise lou mafuta atu atili ia te ia ile tatalo. Ole a le pine, ona avea lea o lena

manoa o lo'o e tautau ai, e liua ma avea ma maea malosi e toe lavea'ina mai oe.

Fai mai le faaliliuga ole tatou Ofisa fo'i lea e ta'u ole NPF i Samoa e le isi toe'ina Leauvaa-ole Nifo Pea ma Faatali.. Tatou te manatua fo'i, Ole **FA'ATALITALI** o loo tautala mai ai tusitala po'o Perofeta o le feagaiga tuai e pei o Isaia. E le ole nofonofa la ma le filemu, ae matua'i fuli e gaoioi ma tapenapena e pei o lo'o faatalitali ile taunu mai o ni a tatou malo. E vaavaai itu uma ina ia saogalemu ma manuia. O lona uiga la o le **Faatali** o le tapenaga ma le sauniuniga e ala ile tulimata' ole faamoemoe ua mautinoa. Fai mai le Perofeta o Isaia “ E te leoleoina ia fifilemu lava le ua mausali lona loto, aua ua ia faatuatua ia te oe.”

Le au uso e, pe mafuta ma le Alii ile tatalo, po'o le pisi i feau masani o lo'o e tautuaina ai lona finagalo, ia e mautinoa ua folafola mai e ia, ole a tulu'i ma faafouina lou malosi. Tau lava o lenei. **“Faatalitali ile Atua”**. O ia o le Atua fai vavega. O mea uma tatou te vaivai ai, e tali mai. Na te fafagaina lo tatou matelaina ma faainumiaina lo tatou galala faaleagaga. I lenei masina atoa o Aukuso, tatou te maitau ai ile feau ole talalelei folafolaga a lesu mo i tatou. O ia e tatou te maoona ai ma malilie ai o tatou loto, e ala mai i ana Afioga Paia.

Ua faiva'ese fo'i lopepe i lenei vaitau, sa o tatou nofo tatalo ma anapopogi ma tapua'i, po'o afea ole a tali mai ai le Atua ile gasegase a Malo o si o tatou Atunuu Pele. Lea ua tali mai le lagi ma ua tuta nei Nu'u matagofie le faamoemoe sa Lupe. O lea ua ta i tua Apolima. Ae tatou tatalo pea ina ia saogalemu ma manuia lo tatou Tofi ma le Faiga-Malo fou, e pei ona sa tatou **“FA'ATALITALI AI ILE ATUA”**.

Manuia Tele Ona o Keriso

Vueli & Veronika Tolova'a (FK) - Aulotu Naenae

AFOGA KATINALE JOHN DEW

Kia tau te rangimārie ki a koutou

O A'u O Lē Ola. O ia na auina a'u iā te outou" (Esoto 3: 14 – 15)

O le aso Tofi vaiaso ona tua atu sa tatou fa'alo-gologo ai i le tala o le feiloa'iga a le Atua ma Mose. Na fesili Mose i le Atua po'o le ā se tala e fai i tagata e fesiligia o ia e uiga i le la feiloa'iga. Na fai atu le Atua iā Mose, "e te fai atu i le fanauga a Israuelu, O A'u O Lē Ola...O ia na auina a'u iā te outou."

Ae le'i amatalia le Misasa sa faia le fa'atūga o le Sakalameta Pa'ia i le malumalu mo le taimi nei i Connolly Hall. O le au faigaluega mo le Malumalu Tele na o mai ma ave'ese fa'amalama e toe fa'afou ma puipui i laupapa. Sa fa'aaloalo tele i latou mo nai tagata sa i ai o lo'o tatalo a o latou galulue le ave'esea o fa'amalama ae le'i amatalia le Misasa i le 8.00am.

Sa ou tomanatunatu i Faitauga mai le Esoto ua fai mai, "O A'u," ma na 'ou mafaufau i fa'aupuga ua faia e tagata i nei aso, pe afai ua tula'i mai se tulaga ua lē mautinoa, ua latou le mautonu ma fa'apea mai, " o le mea lava ua i ai o lenā lava." Sa i ai nisi o matou sa 'au ai i le fa'aafio ai o le Sakalameta Pa'ia, ae pe tolu gafa ma matou o ni ali'i e



to'alua sa galulue i nei fa'amalama, ma sa i ai le Atua ma na fai mai iā i matou e pei ona fai atu iā Mose "O A'u."

"O A'u," sa fa'atasi ai ma matou, sa i ai le Atua, sa fa'atasi le Atua ma matou e pei ona ia fa'atasi ai ma Mose, ma nei ali'i e to'alua sa galulue i fa'amalama. O a'u tatalo na avea "o le Atua!" "O le Atua o lo'o fa'atasi ma i tatou!" O lo'o fa'ailoa mai pea le Atua iā i tatou i aso nei!"

O le tulaga e fa'apea o le Atua o se misitelio matagofie tele; a tatou fa'aalu itulā uma e metitasio ai ma tatalo e lē tele lava so tatou iloaina ole Atua, ae ui i lea na fai mai le Atua, "O A'u!" O le Atua ia! Pe ua tatou anotusi ma le misitelio a le Atua? O tatou fifia i le afio ai o le Atua ma le iloaina o le "Atua O Le Ola!"

Tatou tatalo mo kalasia e va'aia manino lelei ai le Atua i o tatou olaga.

Nāku noa. Nā
+ Ioane

— 2 —

O sulufaga ma vaitausaga a le tausaga a le Eklesia ua aumaia i masina ta'itasi, ni matagofie fou mo la tatou va'ai, o itū 'ese'ese e va'ai i ai le misitelio matagofie Kerisiano e tasi ae anoanoa'i.

Mo tatou ta'ito'atasi e 'ese'ese. O ai sagato ma sagata e fa'aautu i ai le tatou va'ai i tatalo, o a'oa'oga e tosiga ai i tatou iā tatou metitasio i aso ta'itasi, o le ā le moni mai anamua ua fa'afuse'ia ona alia'i mai i se malamalama'aga fou?

O le faiga lenei a le Eklesia. E le tu'uina uma mai mea uma ua ia iloaina i le taimi e tasi, ae talatala mālie mai ana a'oa'oga i taimi 'ese'ese, ma avea ai le taimi lava ia o sana mefaigaluega mo le tapasaina ma le ta'ita'iina o tatou ta'ito'atasi i le

atoaga o le moni, e ta'ito'atasi i ona lava auala uiga 'ese.

O sagata ma sagato o le kalena ua aumaia iā i tatou e tusa ai i le kalena o le tatou fa'auō ma soa. E mafai ona tatou iloaina lelei i latou i taimi e patipatia ai o latou sulufaga, ma fa'aosofia ai i tatou e tatalo mo la latou fesoasoani. Atonu ua tatou masani ia Sagato Tominiko, Pelenato, po'o Petelo Sanele. Atonu ua tatou iloaina le maliu o Sagato Maximilian i le nofoaga sa lokaina ai o ia, ma lona tu'utō i le Taupou Pa'ia o ia o le "to'a filemu i le liu tino tagata a le Agaga Pa'ia. O nei sagato ma isi ua fa'amanatuina iā Aukuso ua sau ia i tatou mo le ulua'i taimi, e pei tatou te le'i fa'alogi muamua i ai. Ae leai ma se isi o latou o se tagata fou pe afai tatou te iloaina Keriso. E ta'ito'atasi

ma avea ma suli i auala 'ese'ese o le ola ai o le Tala Lelei. O a tatou auala o le a 'ese fo'i.

Faia i le Fa'atusa o le Atua

O le masina lenei e tatou te maitauina ai le Liua o Fofoga a lo tatou Ali'i (aso 6), le Si'itiaga o le Taupou Pa'ia o Maria (aso 15), ma lona Fa'amasiofoina (aso 22). Atonu ua fa'afuse'ia ona va'aia se feso'ota'iga i le va o nei aso tāua – le fa'aaliga o le mamalu ua sopo'ia gata'ana o le natura a le tagata.

Ina ua tu lo tatou Ali'i i luga o le mauga ma "ona fofoga ua pupula mai e pei o le lā, ua sisina mai fo'i ona ofu pei o le malamalama" (Mataio 17: 2), ua tatou va'aia se mea ua fa'atatau i lona natura mamana. Ae o le aveaina o le tino o le Taupou o Maria i le lagi, ma lona fa'apaleina o le Masiofo o le

Vateatea – ua fa'ataunu'uina ai le perofetaga a loane, “o le fafine ua ofu i le lā, o i lalo o ona vae le masina, o i lona ulu fo'i le paleali'i fetū e sefulu ma le lua” (Fa'aaliga 12: 1) – o se folafolaga o tatou fo'i, e mafai ona fa'asoia i lona mamalu e mamana i se aso; ma o le koluse ma le toetū ua tatala maia mo tatou uma le auala i le lagi. O Maria o se tasi o tatou. O le tu masani a Kerisiano i Sasa'e ua fa'aigoaina lenei o le theosis (o le faiga e tu'u fa'atasia ai ma le Atua) po'o le “valovaloga”: o se a'oa'oga lenei a le Ekalesia Orthodox, e ui tatou te le mafaufau so'o i ai, ae o le tusitusiga pa'ia lava ia o lo'o fa'apea mai, “Ua foa'iina mai iā te i tatou e lona mana Atua o mea uma, e o'o ai i le ola ma le amio Atua, i lo tatou iloa lelei o lē na vala'au mai iā i tatou i lona mammalu ma lona lelei silisili. Ona o lea ua ia folafolaina mai ai o mea e silisili 'ese lava ma le aogā ina ia

tofusia fa'atasi ai outou i le amio Atua, ina ua sosola 'ese outou i le amio leaga o i le lalolagi i le tu'inanau (2 Peteru 1: 3 – 4).

Tu'ufa'atasia ma Keriso

O Sagata Telesia Benedicta o le koluse (fa'amanatu i le aso 9) na aumaia se filosofia tele e tomanatunatu ai i le olaga tau Kamelita, ma na maliu o ia o se lutaia i fa'asauaga i Siamani fa'atasi ai ma lona uso o Rosa ma na tu'uina mai ai se matagofie i le ola fa'aleagaga, O le Saienisi o le Koluse.

O lo'o ia tusia ai e uiga i a'oa'oga a Sagato loane o le Koluse, ma lana ituaiga o Monike, ma fa'amatala mai ai o le “faia i le fa'atusa o le Atua” e le faigofie ona ausia, ae ua pau le auala e sau ai e ala i puapuagā ma le maliu. “O le tu'u fa'atasia fa'afa'aipoipoiga o le agaga ma le Atua o le taunu'uga lea na foafoa ai le tama'ta'i, fa'atāuina e ala ile koluse, fa'ataunu'uina i luga o

le koluse, ma fa'amasalī mo le fa'avavau i le koluse.”

O le tu'ufa'atasia fa'afa'aipoipoiga e tutusa lea ma le va'ai mamao, fai mai ai Telesia. Ma a tatou toe manatuaina upu a Sagato loane le fai Evagelia: *Le au pele e, o fanau i tatou a le Atua i nei ona po, a o le'i fa'aalia mai nei le uiga o i tatou a amulī; a ua tatou iloa, pe a fa'aali mai o ia, ona foliga ai lea o i latou iā te ia, auā tatou te iloa tino ai lava o ia.*” (1 loane 3:2).

E le'i “fa'aalia lava”? Atonu e leai i le taimi na tusitusi ai loane, ae o le taimi nei ua tatou va'aia i a'oa'oga a le Ekalesia, le fa'amamaluina ua fuafuaina e le Atua mo tatou ta'ito'atasi e tusa ai ma a tatou agava'a ma lana kalasia, ma i le fa'amamaluina o lo tatou Tinā o se Masiofo o le Lagi ma le lalolagi. Ia manua lenei masina ua savalia.

O SAKALAMETA O TOFIGA MA TAUMĀŪGA:

O MATAUPU FA'ATELOSIA I FA'AIPPOIPOIGA MA TOFIGA PA'IA

FA'ATOMUAGA O le vaega muamua o le a asia o mataupu 'ese'ese i sakalameta o le fa'aipoipoiga ma le olaga fa'au'uina. O le tuputupu a'e o 'au'aunaga o le fa'aipoipoiga ma fa'au'uina e le'i o gatasi, ae e tāua le tasi i le isi. O vaega o le a fa'asolo mai ua fuafuaina e asia nisi o tulaga e noanoatia ai le lua lea ma fa'aalia ai tulaga fa'amamatatā 'ese'ese o fa'aipoipoiga ma tofiga pa'ia. E lua vaega ua tāua i suiga, mataupu silisili ma le fesili mo taimi nei o lo'o si'osi'omia ai sakalameta o fa'aipoipoiga ma tofiga pa'ia o fesili fo'i ia e uiga i le tino o le tagata, tulaga taufeusu'aiga, fa'atinoina o lenei gaioiga ma le tulaga taupou. O nei vaega uma o le a asia i le mae'a o ni fa'atumuaga pupu'u se lua i sakalameta lava ia. O lenei foi vaega o le a fa'amuta i se va'aiga pu'upu'u i le tofiga Ositalulaga a tagatā Lotu. E ao fo'i ona maitauina o le fa'amuta o sakalameta o tofiga po'o le ola faipa'aga i fa'aipoipoiga ma tofiga ua lē a'afia ai latou e le'i fai a'iga ma tofiga nofo voto.

VAEGA 1—FA'AIPPOIPOIGA KERISIANO O SE SAKALAMETA

O le Fa'aipoipoiga i tu masani Katoliko ua va'aia o se feagaiga o le alofa i le va o tagata e to'alua, o se mafutaga mafana fa'apa'aga ua fa'avae i se maliliega fa'aletagata e le mafai ona toe suia, o se fa'ailogia ma le va'aiga o le alofa o Keriso mo le Ekalesia. I lona tulaga mauluga lava, o le mafutaga fa'afaipoipoiga ua atia'e ai se fa'apotopotoga o le fa'atuatua i le va o ulugali'i, ua mafaia ai e i latou ona olaola o ni tagata i se atoaga atoatoa e pei na ona fuafuaina e le Atua mo latou, e ala i la latou fa'atinoina o le 'au'aunaga o le alofa.

O se feagaiga o se gaioiga o le alofa ma le fa'amaoni i tua atu o le Tulafono; ua tu'u fa'atasia ai i latou ua fa'asino i ai i se auala e fa'aletino ma fa'aleagaga. O le fa'ailogia tele o le feagaiga, i mafauauga Kerisiano, o le fusi lea i le va o le Atua ma le nu'u o Israuelu, ua

O SAKALAMETA O TOFIGA MA TAUMAŪGA: O MATAUPU FA'ATELOSIA I FA'AIPOIPOIGA MA TOFIGA PA'IA

fa'amatala i le feagaiga i le va o lesu ma tagata o lona maliu ma lona toetū. Na o'o lava i le Tusi Tulafono Fa'akanona (1983) na fa'aogaina le upu feagaiga o fa'aipoipoiga, i lo le upu konekalate e pei ona i ai muamua.

Feagaiga ua sili atu lona fa'atusi pa'ia ma e maua i ai fua fa'aletagata, i lo le konekalate e tele ona fa'auiga o se noataga, taumaūga fa'atulafono ma ni maliliega e lē fa'alilolilo. O tu'utu'uga fa'akonekalate e mafai ona muta, a o feagaiga o se gaioiga e tapu ma pa'ia oua avatua lea ma le taliaina i le va o tagata po'o ni ta'ito'atasi, ua fa'amatalaina i fa'ailoga o le tupu.

O Fa'aipoipoga e le masani ona manino lelei o se feagaiga. O lo'o i ai fo'i ni fa'ailoga manino lelei o le uiga ma le matafaioi o se konakalate fa'atulafonoina e i ai lona aoga i fa'aipoipoiga.

O fa'aipoipoiga i lona amataga mai o ni tu'ufa'atasia fa'aagaifanua i le va o tagata i tulaga tau pule, fanua ma 'oa ua fa'amausalī ai se maliliega ma maua ai se tausiga ma le puipuia o fafine o aiga tupu ma aiā tatau o latou fanau na maua i le fa'apouliuli.

O fa'aipoipoiga i aso nei ua tele i se a'afiaga e fa'amaonia e mana'omia ma tatau i sosaiete o aso nei. O fa'amaumauga ua aumai ai o fa'aipoipoiga ua suia. Ua le o toe va'aia o se feagaiga i le va o le ali'i ma le tama'ita'i mo le saogalemū o mea totino ma fanua ma le foafaina o fanau. E o'o lava i Katoliko, o fa'aipoipoiga o se noanoatia e mafai ona motusia, ma maliliega i luma mai o fa'aipoipoiga ua alia'i ai le loloto o manatu fa'akonekalate i mafaufauga fa'afa'aipoipoiga i aso nei. I va'aiga i molimau , o le noanoatia o le feagaiga, o lo'o tu'u atu atoa ai e le pa'aga o ia lava i lana pa'aga o se gaioiga tāua loloto o le fa'atuatuaga e o fa'atasi, o le tulaga 'ese i lo le mea masani ai.

nei faiga 'ese'ese e masani ona i ai le fa'agasologa o a'oa'oga ma sauniga fa'aulufale e mana'omia ae le'i amataina le galuega fai laua'itele o se puluvaga ua fa'apa'iaina.

O le telosia mo auaunaga fa'au'uina i le Ekalesia Kerisiano e amata i le gaioiga ma le telosia o le fa'aulufale Kerisiano, lona uiga e papatisoina se tasi i le tofi e fa'avavau fa'ositaulaga a lesu Keriso ma aga'i atu i le misitelio fa'aolataga ua tatou ta'ua o le Misitelio o le Paseka ua tatou patipatia i aso Sa ta'itasi.

O le tala'aga o le 'au'aunaga fa'au'u ua fa'aalia mai ai le suiga o 'au'aunaga ma le pule ua atagia mai ai le olaga tu'ufa'atasi a le Ekalesia. I le ogatotonu o auaunaga uma Kerisiano o le tagata o Keriso ma le manatuaina e le Ekalesia o lana 'au'aunaga, ola, maliu ma le toetū. O le manatuaina lenei o lo'o i le fatu o le fa'apotopotoga Kerisiano ma le manatuaina o lo'o i le fatu o 'au'aunaga Kerisiano. O 'au'auna Kerisiano o 'au'auna o le manatuaina, vala'auina le fa'apotopotoga ina ia manatua galuega a le Atua na faia i 'au'aunaga a lesu. O nei ta'ita'i ua vala'au i tagata ina ia manatua le Misitelio o le Paseka (1 Korinito 11: 24 – 25).

O le malosi'aga fa'atelosia o manatu e pei o le *ex opera operato*, le mea o lo'o galue ai le atamai o le Atua mo le lelei o lē ua talitonu ma le Ekalesia e ui i vaivaiga o le auauna, ina ia faia ni manatu e uiga i le tagata o le tofi ositaulaga, lona uiga'ese ma le pule, e le mafai ona so'onafai. O le mataupu silisili o lo'o si'osi'omia ai le nofo taupou o ositaulaga ua tutusa lea ma le pa'iaga ma le avanoa mo le galuega a le malō ma, ona o lea, e masani ona maualuga lona tau i lo fa'aipoipoiga....fa'auau pea...

VAEGA 2—TOFIGA PA'IA O SE SAKALAMETA

O talitonuga uma e i ai a latou faife'au po'o ni tagata fa'apea e tauavea matafaioi fa'apitoa i o latou sosaiete. I nisi o sosaiete o le tofiga ositaulaga ua fa'asolo mai matua i le fanau, o isi e filifilia e le fa'apotopotoga, ae i

O MATĀGALUEGA A LE FANAU E UIGA I MATUA

O Lona Fa o Poloa'iga a le Atua

"Ia e fa'aaloalo i lou Tamā ma lou Tinā, ina ia fa'alevaleva ai lou olaga nei"

O le upu fa'aaloalo ua tusia e uiga i matāgaluega e fā a le fanau.

1. O le āva i Matua

2. O le Alofa

3. O le Usita'i.

4. O le Fesoasoani.

1. O le āva i Matua: o le āva i matua, ua o se taofi ma se manatu tatou te matata'u iā te i latou, iā tatou upu ma amioga, tatou te va'ai iā te i latou, ua pei o se fa'atusa ma le mamalu, ma le pule a le Atua. Auā o i latou ua fai ma sui va'aia o le Atua.

(a) O le Atua ua na poloa'ia le āva lea: 'Ia e āva i lou tamā ma lou tinā'.

E fa'amālaia e le Atua lē e lē āva i o latou matua: Teuteronome 27: 16. "Ia malaia lē na te fa'alēaogaina lona tamā po o lona tinā." Fa'ataoto 30: 17- "O mata ua tauemu i le tamā ma inoino ona usita'i i le tinā, e salia ia e oreva o le vanu, e 'aina e tama'i aeto." Ae peita'i ua na folafola e le Atua le taui lelei i fanau e fa'amaoni: Sirako 3: 5. "O lē āva i lona tinā, ua pei o lē fa'aputuputu se tu'ugā'oloa.

(e) O lenā taofi ua teu i le loto. O lona uiga, 'aua ne'i inoino i o tatou matua; o tatou matua, e ui fo'i i ni o latou pona ma amioga sesē. 'Aua ne'i tatou manana'o mo i latou ia taunu'u se mea leaga. Ia tatou muamua ona iloilo i o tatou mana'o.

(i) O lenā taofi, ia aliali luma o tagata. 'Aua ne'i tatou tautala iā te i latou i ni upu leaga, ma fa'aali o latou pona. E sā fo'i ona ita i ai, taofi fo'i le loto tigā iā te i latou. Ia tatou fa'ata'ita'i iā losefo i lona fa'aaloalo i lona tamā vaivai o lakopo – iā Tovia e uiga i ona matua toeaina, ma Solomona fo'i i lana tausi fa'aaloalo i lona tinā Patisepa.

2. O le Alofa i Matua: Tatou te fa'aaloalo pe afai tatou te alolofa i o tatou matua. O le alofa ua fai ma mea e pipi'i ai le fanau i matua, e mafaufau pea i ai, ma to'aga ona tausi iā te i latou.

(a) O le Atua ua na poloa'ia lenā alofa.

(e) O le fa'afetai atu fo'i i matua na latou tigaina ma tausi i le fanau. Ua fa'apea le upu a le Poto 7: 29 – "Auā e sili lona matagofie i le lā ma fa'aputuga 'ese'ese o fetū; a fa'atusaina ma le malamalama, e sili ai le poto lava ia."

(i) Ia tatou mafaufau sa'o i le va'ava'ai atu i manu, e leai se mafaufau, ae ui ina o lea, ua latou alolofa i ē na tutupu mai ai. O le alofa lea, ia teu i le loto ma fa'avae i le fa'amaoni. Ia aliali mai fo'i i upu lelei ma amioga lelei e tusa ma le to'aga i feau a matua. Ia va'ai i matua o ni moni ia o le Atua, tatou te alolofa i ai mo le Atua, ma ona o le Atua. Ia fai ma tatou le upu na fai e Iesu iā Maria: 'Lua te lē iloa 'ea o mea tau i lo'u Tamā e tatau ona 'ou i ai?' Ma le isi upu na fetalai ai lesu i luma o tagata: "O lē ua tele lona alofa i lona tamā po'o lona tinā, a e ititi iā te a'u, e lē aogā lea iā te a'u; o lē ua tele fo'i lona alofa i lona atali'i po o lona afafine, ae ititi iā te a'u, e lē aogā fo'i lea iā te a'u." (Mataio 10: 37).

3. O le Usita'i: O le ala o le usita'i, o le poloa'iga lava a le Atua. E pei ona fai mai Sagato Paulo – Efeso 6: 1 – 4: "O outou fanau, ia outou fa'alogi i o outou matua i le Ali'i, auā o le mea tonu lava lea. "Ia e āva i lou tamā ma lou tinā;" o le ulua'i tulafono lea ua i ai le mea ua folafolaina "ina ia manuia ai oe, ma ia e nofo tulu'i ai i luga o le lau'ele'ele. O outou tamā fo'i, 'aua ne'i tou fa'a'ono'ono atu iā outou fanau, a ia tausi atu i ai i a'oa'oga ma apoapoa'iga a le Ali'i."

O MATĀGALUEGA A LE FANAU E UIGA I MATUA

E tatau ona usita'i i mea uma ua poloa'iina mai ai, ua tusa ma le finagalo o le Atua. Ua fa'apea mai upu ua i le Fa'ataoto: "Lo'u atali'i e, fa'alogo mai ia i le a'oa'o atu a lou tamā; aua fo'i e te tu'ulafoa'iina le upu a lou tinā; auā e fai ia mea ma pale matagofie i lou ulu, ma mea e asoa i lou ua. Lo'u atali'i e, afai e fa'a'ole'ole iā te oe tagata agasala, 'aua ne'i e usita'i i ai" (Fa'ataoto 1: 8 – 10).

Ia tatou fa'ata'ita'i i amioga a Isa'ako, Iosefa, ma Tovia. I le mea lenei, o le lelei ma le filemū o le aiga pe a usita'i le fanau. Ua fa'apea mai le upu a Sagato Petelo Kilisoloko: O se fanau e lē usita'i, e lē toe o se fanau, ae pei o se fanau ua leai ni o latou matua." A usita'i le fanau, ia usita'i vave aunoa ma se muimui, ia usita'i ma le loto fafia, ia usita'i fo'i ma le loto atoatoa, ae tasi o le mea ia fa'ataau pea lenā usita'i ma le finagalo o le Atua.

4. O le Fesaosaoni: E tatau i le fanau ona fesoasoani i matua i mea uma i la le tino, atoa ma la le agaga.

O le autū o lenā matāgaluega:

(a) O le poloa'iga a le Atua: Lo'u atali'i e, ia e fesoasoani i le vaivai o lou tamā, 'aua e te fa'atigā iā te ia i aso o lona olaga. Afai o lona mafaufau ua tauau ina fa'aifo, ia e fesoasoani atu iā te ia; 'aua e te inoino i ai ona o lou malosi; auā o le alofa ua e faia e uiga mo le tamā, e lē fa'agaloina (Sirako 3: 14 – 15). Lo'u atali'i e, ia e tausi i lou tamā pe a toeaina o ia, 'aua fo'i e te fa'a'ono'ono iā te ia i aso o lona olaga. Afai fo'i e valevalematau, ia e onosa'i iā te ia, 'aua fo'i e te tauemu i ai i le malosi o lou tino; aua lē fa'agaloina le agalelei o le tagata i lona tamā." O se matuā leaga tele lava, sē e tia'i lona tamā, ma o sē ua matuā fa'amalaia e le Atua, lē e fa'atigā i lona tinā.

(e) Ia tatou fesoasoani atu i o tatou matua i ni mea lā le tino, i e o mativa, po'o le ma'i, le vaivai ma le toeaina.

Ia tatou fesoasoani atu i ai i ni tasi itū e pei i ni o latou ponu; 'aua ne'i tatou va'ava'i i ai, fa'amagalo ma puipui i o latou sesē, po'o ni upu, po'o ni amioga, tali ma le onosa'i i ni a latou upu ma amioga fa'atigā.

Ia tatou fesoasoani atu i ai i ni mea lā le agaga. O lona uiga: o le tatalo mo i latou, fesoasoani iā te i latou ina ia matuā tausi lelei sauniga fa'alelotu, tali Sakalameta. A o'o le oti iā te i latou, ia tatou tatalo mo i latou; ma fa'ataunu'u lelei iā latou mavaega.

Ia tatou fa'aa'oa'o iā lesu le fanau agaalofa, tausi matua, aemaise le fanau nofo usita'i i ona matua. Ia tatou faia e pei o la, o lō tatou manuia lea.

Kalolo Perez

Ekalesia Sagato Patelesio

Wainuiomata

GALUEGA A LE AU APOSETOLO (FA'AAUAU MAI LOMIGA TALU AI)

O Filipo ma Tagata Aitiope

²⁶Ua fai mai fo'i le agelu a le Ali'i iā Filipo, ua fa'apea mai, "Inā tu ia, inā alu i le itū i saute, i le ala e alu ifo mai Ierusalemā i Kasa; o le mea ua tu'ufua lea" ²⁷Ona tu lea o ia i luga, ua alu fa'auta fo'i, o le tagata Aitiope, o le enuka, o le 'au'auna sili a Kanake le tupu fafine o Aitiope, lē na tausi ana oloa uma lava; na alu atu o ia i Ierusalemā e tapua'i ai. ²⁸Ua toe fo'i mai o ti'eti'e i lana

ta'avale, ma faitau i le perofeta o Isaia. ²⁹Ua fai mai le Agaga iā Filipo, "Fa'alatalata atu ia, ma e fa'atasi i lenā ta'avale." ³⁰Ona momo'e atu lea o Filipo, ua fa'alogo atu iā te ia o faitau i le perofeta o Isaia, ona fai atu lea o ia, "Po ua e malamalama 'ea i mea ua faitauina?" ³¹Ua fai mai o ia, "Ou te mafaia fa'apefea, pe a lē fa'asino mai e se tasi iā te a'u?" Ua na fai mai fo'i iā Filipo ia alu a'e la te nonofo ma ia. ³²O le fuai'upu fo'i o le tusi ua na faitau ai, o lenei,

GALUEGA A LE AU APOSETOLO

"Pei o le mamoe ua ta'ita'iina ia fasia;
pei o le tama'i mamoe fo'i i luma
o lē sele fulufulu,
e lē tagi, ae fa'apea fo'i o ia ua lē tautala mai
³³O ona po o lona fa'amaulaloga na
ave'esea ai lona fa'amasinoga;
O ai fo'i sē na te talaina lana tupulaga?
auā ua ave'esea lona ola i le lalolagi."

³⁴Ua fai mai o le enuka iā Filipo, ua fa'apea mai, "Se'i ou fesili atu iā te 'oe, ua fai mai lenei mea e le perofeta iā te ai? lā te ia 'ea, po o se tasi tagata?" ³⁵Ona tautala atu lea o Filipo, ua āfua i lea lava Tusi ona folafola iā te ia o le tala lelei iā lesu. ³⁶Ua ō ane fo'i i la'ua i le ala, ua o'o i le tasi vai; ona fai mai lea o le enuka, "Fa'auta, o le vai; se a 'ea se mea e vaoia ai a'u e 'aua le papatisoina o a'u?" ³⁷Ua fai atu Filipo, "Afai ua e talitonu ma loto atoa, e mafai nei lava." Ua tali mai o ia, ua fa'apea mai, "Ou te talitonu o lesu Keriso o le Alo o le Atua ia."

³⁸Ona ia fai atu lea ia tāofi le ta'avale ona o ifo lea o i lā'ua uma i le vai, o Filipo ma le enuka; ua na papatiso fo'i iā te ia. ³⁹Ua ō a'e i lā'ua nai le vai, ua le toe iloa e le enuka, ua alu fo'i o ia i lana malaga ma le olioli. ⁴⁰A ua iloa Filipo i Asota; ua alu fo'i o ia, ma folafola solo le tala lelei i 'a'ai uma lava, ua o'o lava o ia i Kaisareta.

8: 26 – 40 O Filipo ma le Eunuka Aitiōpe

I lenei vaega o le fa'amatalaga ua tosiga Filipo, e le agelu i le Ali'i, ma le Agaga o le Ali'i, ma avatu i le fa'ataus'i'usi'u o fale a Israaelu. O le tulaga o le isi sulu mo le fa'aliliuga ma le papatisoga o se eunuka ua aumai ai ma ni fa'aleoga valo'ia fa'aperofeta. Mo se fa'ata'ita'iga, Isaia 56: 3 – 5, o se vaega o le va'ai mamao o le toe fa'afouina o Israaelu na tautala ai lesu ina ua ia toe aumaia le malumalu (Luka 19: 46), ua talanoa mai ai i eunuka ua sa'ilii ni aiga ma se igoa e fa'avavau i le toe fa'afouina o le a sau ona na faia e Luka le fa'aliliuina o le seneturi ma lona aiga o se auala atu i tagata 'ese, o le tusitala ua malamalama o eunuka o ni tagata na liliu i le Fa'a-lutaia. Ae o lona tagatā nu'u o se Aitiōpe e tāua lea i le sini a Luka o le va'aiga aoao i le misiona a le ekalesia.

O le tusitusiga e uiga i le eunuka o lo'o faitau leotele (v. 28) o Isaia 53: 7 – 8, mai le Pese lona fa ta'uta'ua a le 'Au'auna, o lo'o aumai e Luka ua na o i'inei i ana tusitusiga ia e lula. E tāua le maitauina o lenei fa'amatalaga o le vaega mai le Tusi Pa'ia Eleni po'o le Feagaiga Tuai. O fa'aupuga a le Eleni Tuai e fa'apitoa ona tatala atu ina ia malamlamaina ua aga'i i le maliu ma le teotū a lesu. I se fa'aliliuga i se tala fa'akoneseti e se ali'i tusi tala na fa'apea ai i lana Galuega a le Au Apostolo: "E pei o se mamoe ua ta'ita'iina atu e fasia, ma ua lē leoa e pei o se tama'imamoe i luma o lē sele ona fulufulu, ua le matai lona gutu. I lona tulaga maulalo lava o lona fa'amasinoga ua ave'esea. O ai o le a tolauauina lana augatupulaga? Ona o lona ola ua ave'ese atu mai le lalolagi." O le fa'aogaina o lenei tusitusiga iā lesu e leai se fanau o le a i ai sona va'aiga fa'apitoa mo eunuka. O "augatupulaga" a lesu ina ua mae'a ona "ave'esea" o ia i le toetū i le tuputupu a'e o ona so'o i le uma o le Eseta, o lea ua a'afia ai ma lenei eunuka.

E ui na alu o ia Ierusalem "e tapua'i" (v. 27), ona o ia o se eunuka sa matuā fa'asaina ona ulufale atu ile Malae o Tagata o Nu'u'ese, le mea e fa'asa ai eunuka mai fa'apotopotoga a le Ali'i. O lea ua 'ese nei ina ua ia talia le tala lelei a lesu ua ia fesili ai e fa'apea, "O le a le mea e le mafai ai ona papatisoina a'u?" O lē na fa'asaina o le a avea ma suli o le fa'apotopotoga a le Ali'i.

Fa'atasi ai ma fa'amatalaga o le fa'asalalauina o le upu (1: 8), o lenei vaega ua fa'aalia mai ai le faiga o fa'aliliuga o Tusitusiga Pa'ia na mafauauina e Luka ina ua ia talanoa e uiga ia lesu o lo'o fa'amatala i le au so'o i Emau mea ua fa'asino tonu iā te ia ua tusia i Tusi uma "amata mai ia Mose ma perofeta uma." (Luka 24: 27)

9: 1 – 19 O le Tofia o Saulo e Fai ma Aposetolo

¹A ua mapugatama'i pea o Saulo i le fa'amata'u ma le fasioti i le au so'o o le Ali'i, ua alu atu o ia i le ositaulaga sili, ²ua fa'atoga atu iā te ia i tusi e ave i sunako i Tamaseko, pe āfai na te maua ai nisi i lenā lotu, o tane atoa ma fafine, ia fusifusi ma ta'ita'i mai i latou e ia i Ierusalem. ³Ua alu atu o ia ua latalata i Tamaseko, ona fa'afuase'i mai ai lea ona pupula fa'ata'ali'oli'o mai iā te ia o le malamalama mai le lagi. ⁴Ona pa'ū lea o ia i lalo i le 'ele'ele, ua fa'alogu atu i le si'ufogga, o lo'o fa'apea mai iā te ia, "Saulo, Saulo e,

O MATĀGALUEGA A LE FANAU E UIGA I MATUA

se a le mea ua e sauā mai ai iā te a'u?"⁵ Ona fai atu lea o ia, "Le Ali'i e, o ai 'ea 'oe?" Ona fetalai mai lea o le Ali'i, "O a'u o lesu ua e sauā mai i ai; o le mea faigatā iā te oe ona a'a i tui."⁶ Ua gatete o ia ma ua mata'u, ua fa'apea atu, "Le Ali'i e, se a le mea e te finagalo i ai ou te faia?" Ona fetalai mai lea o Le Ali'i iā te ia, "Tū ia 'oe i luga, inā alu ia i le 'a'ai, ona ta'uina atu lea iā te oe o le mea e tusa ona e faia."⁷ A ua tutū i luga tagata ua o malaga ma ia, ua lē mafeganavai; ua lagona lava i latou , i le si'ufofoga, ae lē iloa atu se tasi.⁸ Ua tu i luga Saulo mai le 'ele'ele ; ua pupula ona mata, a 'ua lē iloa se tasi ua fetāgofi i latou i ona lima, ua ta'ita'i iā te ia i Tamaseko.⁹ Ua tolu fo'i aso e lē o va'ai ai o ia, ua lē 'ai, e le'i inu.

¹⁰Sa i Tamaseko se tasi o so'o, o Anania le igoa; ua fetalai mai fo'i le Ali'i iā te ia i le fa'aaliga, "Anania e."

Ua tali atu o ia, "Le Ali'i e, o a'u lenei."¹¹ Ona fetalai mai lea ole Ali'i iā te ia, "Inā tu ia i luga, inā alu i le ala o lona igoa o Sa'o, inā sa'ilī le tagata i le fale o luta, o Saulo le igoa, o le Taso; auā fa'auta mai, o lo'o tatalo o ia,¹² ua nā iloa atu fo'i i le fa'aaliga le tagata, o Anina le igoa, o lo'o ulufale atu, ma fa'ae'e lona lima i ona luga, ina ia toe va'ai o ia."

¹³Ona tali atu lea o Anina, "Le Ali'i e, na ou fa'alogo i tagata e to'atele i lenā tagata, i mea leaga e tele ua na faia i ou tagata pa'ia i Ierusalem; ¹⁴e ana fo'i le pule mai le 'au ositaulaga sili, e fusifusi uma lava i ē ua vala'au i lou suafa i'inei."

¹⁵A ua fetalai mai le Ali'i iā te ia, "Inā alu ia; auā o le ipu lava o ia ua filifilia ma a'u e momoli lo'u igoa i luma o nu'u 'ese, ma tupu, ma le fanauga a Israelu.¹⁶ Auā ou te fa'aiola atu iā te ia mea e tele e tusa ona tīgā ai o ia ona o lou igoa."¹⁷ Ona alu lea o Anania, ua alu atu i le fale, ua na fa'ae'e atu fo'i ona lima i luga iā te ia, ua fa'apea atu, "Lo'u uso e Saulo, ua auina mai a'u e le Ali'i o lesu, sa fa'aali iā te oe i le ala na e sau ai, ina ia e toe va'ai, ia fa'atumuina oe ile Agaga Pa'ia."¹⁸ Ona pa'uū loa lea o mea nai ona mata peiseāni una, ona toe va'ai loa lea o ia, ua tu fo'i i luga ma papatisoina.¹⁹ Ua 'ai ona malosi ai lea o ia.

O le Liliuga ma le Fa'apa'iaina o Saulo

E ui o le tala autū i le tala'aga a le ekalesia e masani o le "liliuga" o Paulo, e lē o se liliuga i se manatu o se suiga mai se isi lotu i se i si, mo Paulo/Saulo e le'i ave'esea ai lona tagatā lutaia; na ui mai o ia o se lutaia na fasiotia

tagata lutaia na tuputupu a'e o "lutaia mo lesu" i le avea ma lutaia mo lesu lava ia.

Po'o se isi talanoaga lenei mo nisi manatu, o le liua mai se mea e leaga i se mea e lele'i? E ui i lona sauaina ole ekalesia, sa tuliloaina ma le ma'elegā e Paulo mea sa ia malamalamaina o le finagalo o le Atua. Ae na fa'amatala e Luka Saulo o se "fa'amata'u o lo'o manavaina mai le fia fasiotia", ua le o gatasi ma poloa'iga e tete'e atu i le fasioti tagata. O le fa'amatalaga a Luka i le maliu maletile a Setefano (7: 54 – 8: 1) ua fa'aiola mai ai o Saulo o lo'o va'aia ofu a latou o lo'o fa'atinoa le "tau'ai i ma'a o se "fa'atagana i le Tulafono" ma le "maliega i le fasiotia."

E le gata i lea, o le suia mai le fa'ao'osala i le tagata fa'alauiloa o se suiga maoa'e tele ma le toe fa'amasan. Na toe aumai ai ni manatu i mea na tutupu ia Paulo o se fa'apa'iaina fa'aperofeta, ona na taofia o ia i mea na ia faia ma auaina atu ai mo se misiona. Atonu e sili ai ona fa'apea o nei vaega uma e lua o se talanoaga ma se fa'apa'iaga.

Na fa'amatala e Luka mea na tupu o se va'aiga o le Atua i se tagata. Ua o tutusa ma le feiloa'iga a Mose ma le Afio ai Mamana i le Esoto 3. E pei o Mose, na fa'ate'ia Saulo i le malamalamā, fa'alogo i lona igoa ua vala'au mai fa'alua, lagonaina le leo lava ia, ma talia le fa'apa'iaga.

O le fa'aaliga na ia taliaina, "O a'u o lesu ua e sauā mai i ai," o se aotelega o sini autū o Tusi a Paulo: le fa'aiolaina o le Ali'i toetū ma lana ekalesia, na fa'alaua'iteleina e Paulo i lana faiga o fa'apotopotoga Kerisiano o le Tino o Keriso, aemaise i Roma ma le muamua Korinito.

Ina ua talanoa atu Paulo i le leo sa va'ia o Kyrie, sa manatu tele o lona uiga "Ali'i" i se manatu atoa o le fa'aaliga. O le fa'aiolaina o lenā Ali'i o lesu, ua o gatasi ai ma le vala'au a Setefano ia lesu "Ali'i" (7: 59). O lenei fa'aupuga na tupu fa'asefulula i lenei mataupu ua aumai ai ua manatu Luka ua tatou malamalamā i lenei amataga o le misiona i Nu'u 'ese o se fa'aaliga fa'apitoa fa'aali'i a lesu toetū. Mo se fa'asinoala i nei mea na tutupu i upu a Paulo lava ia, va'ai 1 Korinto 9: 1 ("Ou te lei va'ai ea lesu Keriso lo tatou Ali'i?"); 2 Korinto 4: 6; Kalilaia 1: 12).

I lenei fete'ena'iga a le fili o le gaioga Kerisiano ua avea ma tagata fa'alauiloa sili, ua fa'aopopo e Luka se isi: ua

pupula ona mata, a ua leiloa se tasi (v. 8). E ui sa tauaso mo sina taimi , ae sa iā ia lava, i se manatu loloto, o se fa'alogoga o "mata e pupula". O le toe fa'aleleia mai lenā fa'atauasoina fa'aletino na o fa'atasi ma lona papatisoga na so'o i lalo ai lona fa'apupulaina fa'aleagaga. O le a fa'alaua'itele mai e Luka lenei fa'atusa i toe fa'amatalaina o lenei vaega i le mataupu 22 ma le 26.

Maitau e fa auala 'ese'ese ua aumai e le tusi tala e fa'aigoa ai le ekalesia tuputupu a'e i lenei tusitusiga: "so'o o le Ali'i" (v. 1); "O le Ala" (v. 2); "ē ua vala'au i lou suafa i'inei" (v.14, fa'aleo mai ai loelu 2: 32 o lo'ota'ua i le Galuega 2: 21; ma va'ai Roma 10: 13); ma "o tagata pa'ia"(v. 13, o se fa'aupuga lutaia mo Israelu ua vavae'ese mai sauniga a le Ali'i, ua fa'atalafeagai i'inei e Kerisiano lutaia, e pei ona aumai e Paulo i ana tusitusiga)....fa'auau pea

O LIUA O FOFOGA O IESU

Ua latou ō ifo i le mauga, ona vavao atu ai lea o lesu iā te i latou, ua fa'apea atu, "Aua ne'i outou ta'u atu i se tasi le mea na va'aia, se'ia toe tū mai le Atali'i o le tagata mai ē ua otí" (Mataio 17: 1 – 9). Le "mea na va'aia" i'inei o lona uiga o se va'aiga fa'apitoa i fafo atu o le malō o taimi nei ma mea ua iloa ai, fa'atasi ai ma misitelio uma ma ni uiga fa'aletonu a le lagi: o le malamalama e le'i sau mai se punavai fa'anatura ae totino i vaega o le moni tutotonu; e fa'apea fo'i le "āo", e leai sona pi'itaga i tala o le tau ua tatou iloaina, ae o se mea e leai sona fa'amatalaga e fa'amalieina ai – le malamalama pupula ua punitia ai i lo le fa'aalia, le lagi ua tatala mai ae e le mafai ona ō atu i ai...O lenei mea na tupu e le'i na ona sau i luga o lesu, po'o na tupu i totonu o ia; sa alu'ese mai ma ia, fa'aaliga o lona tagata loloto, le ave o le aloiafi ola mai iā te ia na manino lelei mai...i le fa'anoanoa o le foafoaga ua pa'ū ma le tagavai pupula ua pei o le malamalama selesitila..O le malamalama lenei na sau i le lalolagi ma na lava lona malamalama na susulu uma ai atoatoa le lalolagi. I le ala atu i le maliu o le mamalu o mea na fa'atoa fa'aalia i le uma o le maliu na sasao mai e pei o se aloiafi mai se va'alele, o le fa'apupula mai ai upu a Keriso lava ia i lona maliu ma le

toetū. O mea ua fa'aalia i'inei ua le gata o le mamalu e mamana, e pei o se agaga fa'aagelu, ae o le agaga e ala i le tino... O le Liua o Fofo o lesu o le malamalama o le tau mafanafana o le sau o le Toetū...Po'o a tatou fua, o se vaega o na mea o lo'o i tua o a tatou olaga ma le otí, pe na aumai e le kalasia po'o na fāoa e le fa'atuatua: se mea o lenā aloiafi na ulufia ai Tapoa mo le ulua'i taimi, ma fa'aalia mai ai o ia lava e manumalō i le Toetū.

SE A LA OUTOU UPU IĀ TE A'U, PO O AI?

O tatou agaga ua fa'atulaga i le agaiga e tasi, le agaiga i o tatou atamai, manatu, ma le loto aga'i iā Keriso lo tatou Fa'aola, aga'i iā Keriso, le Fa'aola ole tagata. Ua tatou fa'anaunau e va'ai atu iā te ia ona e leai se isi o i ai le fa'aolataga ua na o ia, le Alo o le Atua, toe faia upu na tautala ai Peteru: Le Ali'i e, a matou ō 'ea iā te ai? O iā te oe upu o le ola e fa'avavau"...E le uma le fa'alogoa a le Ekalesia i ana upu. Ua toe faitau ma fa'auau ai peia i e tu'uto tele ua toe fausia e le Ekalesia vaega uma o lona olaga...O le olaga o Keriso ua tautala mai fo'i i le to'atele ua le mafai ona 'au fa'atasi ma Peteru: "O oe o le Keriso, le Alo o le Atua soifua." O la o le Alo o le Atua soifua, ua tautala

fo'i i tagata o se tagata: o lona olaga o lo'o tautala, lona tamali'i'aga, lona amiontonu i le moni, lona alofa atoatoa. E le gata i lea, o lona maliu i luga ole koluse ua tautala mai – o le loloto o ona puapuaga ma le tia'ia ua le mafai ona fa'amatalaina. E le o malolo le Ekalesia ile fa'amanatuina o lona maliu i luga ole koluse ma lona toetū, ua a'afia ai vaega o le ola i aso ta'itasi a le Ekalesia. Ioe, o le poloa'iga a Keriso lava ia, le Ali'i ua fa'auau pea e le Ekalesia ona patipatia le Eukalisitia, o lo'o i ai le "vaipuna o le ola ma le pa'iaga," le fa'ailoga aogā o le kalasia ma le fa'aleleiga ma le Atua, ma tagata o le ola e fa'avavau. Ua ola ai e le Ekalesia ana misitelio, na aumai ai ma le leai o se fa'avaivai ma fa'auaua ai peia ona sa'ilii auala e aumai ai le misitelio o lona Ali'i ma le Ta'ita'i i le fa'aletagata – i tagata, o nu'u uma, o augatupulaga fai mai ma tagata ta'ito'atasi – e pei ona toe fai mai peia e pei ona faia e Apostolo: Sa fa'apea fo'i ou te le toe fialoina se mea iā te outou vaganā lesu Keriso ma o ia na fa'akoluseina." O lo'o i ai peia le Ekalesia i le si'osi'omaga o le misitelio o le Fa'aolataga, ua avea ma manatu autū a lona olaga ma le galuega tala'i.

.....INA IA ‘AI AI LE TAGATA MA LĒ OTI AI’

O le agasala o le oti fa’aleagaga o le agaga. O le mea lea ua fa’asaoina le tagata mai le agasala o le lumana’i i se auala tutusa e pei ona fa’asaoina mai le tino mai le oti i le lumana’i, ma e tupu lenei mea i ni auala se lua. Muamua, e pei ona fa’amalosia le natura o le tagata aga’i i totonu i le pala mai o totonu, ma i le uiga i mea’ai ma vaila’au ua fa’asaoina ai o ia mai le oti. Lona lua, i le puipuia i fa’assauaga mai fafo, ma ua puipuia o ia i le fa’aogaina o mea taua ia puipuia ai lona tino.

O lenei o le Eukalisitia ua fa’asaoina ai le tagata mai le agasala i nei auala e lua. Mole muamua, i le tu’u fa’atasia o le tagata ma Keriso e ala ile kalasia, ua fa’amalosi ai lona olaga fa’aleagaga, e pei o mea’ai fa’aleagaga ma fualau’au fa’aleagaga, e pei ona fai mai ai le Salamo 104: 15: le mea e ‘ai e malosi ai le tagata. Na fa’apea mai fo’i Aukusitino, Sau aua le fefe. O le falao e lē o se mea ‘o’ona.”

Lona lua, e ui o se fa’ailoga o le puapuagā o Keriso, na manumalō ai i le tevolo, na te’ea uma osofaiga a Temoni. E pei ona fai mai se tasi, “ e pei o liona ua manavaina mai fafo le afi, ua tatou ō ‘ese mai le laulau, ua faia lona mata’utia i le tiapolo.”

Ioe e moni fo’i o le to’atele i le mae’ona talaina lenei sakalameta e toe pa’u’ū i le agasala, ae ona o fesuia’iga o le loto fitalia ua agasala ai le tagata i le uma ona mauaina le agalelei, mo lona loto sa’oloto o le a faigofie ona mata’itū i le lelei po’o le leaga. O lea la, e ui o lenei sakalameta lava ia e i ai le

malosi e fa’asaoina ai i tatou mai le agasala, ae ua na lē ave’eseina mai le tagata le avanoa e agasala ai. Ma o le mea fo’i lea e tasi e fai aga’i i le agaalofa. Ona o le agaalofa ua fa’asaoina ai le tagata mai le agasala, ae ona o le vaivai i o le loto fitalia, e agasala se tasi i le uma ona talia le agaalofa e pei lava i le uma ona talia e se tasi lenei sakalameta.

E ui o lenei sakalameta na fa’au’uina sa’o ina ia fa’aititia ai le fa’anaunauga e fai le agasala, ae e fa’aititia ai o se taunu’uga, e pei lava ona fa’ateleina ai le alofa, ona e pei ona fai mai ai Aukusitino, “o le fa’ateleina ole alofa o le fa’aititia fo’i lea o le tu’inanau”. Ae e fa’amalosia sa’o le loto o le tagata ina ia lelei, o le a fa’asaoina mai ai o ia mai le agasala.

O AI A MATOU Ō I AI?

Na fa’anoanoa lesu ona sa latou lē talitonu, sa latou le’i talitonu lava na auina mai o ia e le Tamā. Sa latou mulimuli iā te ia ona o mea sa ia fai mai ai, ae lē po’o ai o ia. Mo latou, o se tautalaga latou te le’i malamalama i ai o le mafua’aga na latou tu’ua ai o ia, ma le mautinoa i lo po’o ai o ia mo latou, ma le mautinoa i lo le alofana na latou fa’alogoina i lona i ai. E fa’apefea ona latou malamalama o lona i ai o le falaoa e fafagaina ai i latou ma avatu iā i latou le atoaga o le olaga, o se olaga e pei o fanau alofagia a le Tamā?

E to’atele nisi o latou na savali ‘ese mo le fa’avavau.

O le to’asefululua na nonofo. Sa latou fa’aeeteete i le so’ona gaioi pe tautala fo’i i se upu e tasi. Na foliga

mai ua leai se mea e gasē ma ua leai ma se pisa ua sau mai le loto o le Ali’i ma salalau atu i ona autafa e pei o se puaōa o le taugamalulū. E i ai se fa’anoanoaga ua sili atu i lo le te’ea o se mealofa i le taimi ina ua fa’alia lona tau atoa?

Ae ui i le mafai e tagata ona talia ua tauau ona lelalavā, o le mealofa a le Ali’i o le alofa e le fa’apea. O puapuagā ua va’āia i ona foliga ua fa’alataina mai ai se fa’ai’uga filemū e molia se taulaga o ia lava ua mafai ona ātia lenei te’ena o ia ma fa’amatala ai le alofa “fa’avalea” ua mana’o e lavea’i tagata uma.

Faifai mālie – ae e pei o se tuā’oi ua lata mai e mafai ona sopo’ia i se upu e tasi – na va’ai atu lesu i lenei vaega to’aititi o Apostolo ua lē mautonu, “Tou te o fo’i ma outou?” Na fa’ate’ia Pateru mo sina minute ina ua ia maitauina ile leo o le Ali’i le leo lava lea e tasi sa ia fa’alogo i ai i se aso mai se tamaititi lepela, fesili atu iā i latou mo se tupe i autafa o se magaala. O se fa’anoanoaga tele na o’o mai iā te ia, ma na pau le tali sa ia mafai ona fai atu o se tagi mo se fesoasoani. O lana tagi fo’i, ua pei o se tagata ‘aisi i le auala: Le Ali’i e, a matou ō ‘ea iā te ai? O iā te ‘oe upu o le ola e fa’avavau (Ioane 6: 68).

O LE MEAA’I E TUMAU

O lenei misitelio e le mafai ona fa’amatatalaina o le Eulakisitia, o lesu Keriso o le mea’ai moni o o tatou agaga. A tatou talia le Tino ma le Toto, o lona olaga ua ulufia ai tatou aga’i atu i le loloto o tatou loto. Ua tatou tumau iā te ia, ma o ia iā i tatou, ua le gata i le fa’aleagaga ona o le kalasia, ae ua avea ma se isi

aula ua tasi le tino ma le toto ma i tatou. I le uma ai o le Komunio, o le Fa'aola ua nofo iā i tatou i ona vituti. Ua ia fa'afafia i tatou, fa'atumauna i tatou i le olaga o le kalasia, fa'amalosi i tatou e tete'e atu i fa'aosoosoga a le tiapolo ma le fa'aletonu o a tatou fa'anaunauga, fa'avaivai le fa'anaunauga o a tatou tu'inanau, fa'apupula o tatou agaga, fa'ateleina le alofa mamana i o tatou loto, fa'amafanafana i tatou mai o tatou tigā ma mafatiaga, ma aumai se tautoga o le manuia e fa'avavau mo tatou agaga ma se fatu o le toetū ma le ola e fa'avavau mo tatou tino.

Iesu, aumai le kalasia e talia ai fa'amanuiaga o le Falaoa a Agelu ua aumai mai le lagi mo matou! Ona ua e foafoaina e avea ma mea'ai, ia fa'apea ona sauni o matou loto ia talia oe ma le aogā.

FALAOA A AGELU

Tatou te manatu i nisi o taimi pe aiseā na filifilia ai e lo Tatou Ali'i le falaoa mo le Eukalisitia. Na manino lava sa mafai ona fa'aoga le mamoe: ona o le Tausama'aga Mulimuli o se mea'ai Fa'apaseka ma o mamoe na fasia mo Paseka. E pei ona tatou iloaina, o Sagato Ioane na suia le aso o le fa'akoluseina ina ia o tutusa le taimi na fasia ai lesu ma le taimi o faigā taulaga i mamoe (Ioane 19: 14). Aiseā na ia lē fa'ailoa o ia lava ma mamoe, e pei ona fa'atopetope e tu masani a Kerisiano na mulimuli mai? Pe aiseā na lē fa'aogā ai i'a? E le gata i lea, sa ia faia se vavega na fa'ateleina i'a ma falaoa. Atonu e i ai se mea fa'apitoa e uiga i falaoa na mafua ai ona talafeagai mo lenei matatā uiga 'ese.

O le uiga muamua o mea'ai o le fa'aauau ona tatou ola. O le falaoa, e lē o le 'a'ano o manu, o mea'ai ia

a tagata matitiva. Ma o le faia o falaoa e lē a'afia ai le toto masa'a po'o le puapuagā. O le talia e lesu o lona lava maliu fa'asauāina o se fa'ata'itaiga pe fa'apefea ona fa'amagalo, ae lē o le fa'apefea ona avatu le mafatiaga, tigā ma le fa'asauāina. O le fa'ailogaina, ua ia liliua le leaga na faia i le amataga. Ona i Parataiso, e pei ona fa'amatala mai e le Kenese, o tagata ua fai la'au uma ma mea e 'ai (Kenese 1: 29). Fa'atoā fa'ataga e le Atua i latou e 'ai 'a'ano o manu fasi ina ua uma le lolo; ae ui i lea sa poloa'ia i latou ina ia "aua le 'a'ai i 'a'ano o manu o i ai le ola, o lona toto fo'i lea" (Kenese 9: 4).

O le falaoa o le Eukalisitia ua fa'afolia i tatou i Parataiso

O LE NOFOAGA MAU A LE UPU

Ua a'oa'o e le Ekalesia Katoliko o le "Taupou Pa'ia o Maria, ina ua mae'a lona olaga fa'alalolagi nei, na si'itia atoa ai le tino ma le agaga i le mamalu o le lagi, o lo'o ua ia fa'asoai i le mamalu o le Toetū a lona Alo, fa'atalitali ai le toetutū mai o suli uma a lona Tino." O lenei a'oa'oga – le Si'itiaga i le Lagi – na fa'amatalaina e Pope Pio XII i le tausaga 1950 i le tulaga na avea lava ma vaega tāua o le talitonuga Katoliko. Ae aiseā?

Ua tatou nofo aitalafu i se teneititi loto maualalo na fa'atuatuaina le Atua ma fai mai "loe" i le fanauina mai o le Fa'aola o le lalolagi. loe, o le Tamā ua alofa tele na auina mai lona Alo e to'atasi e lavea'ia i tatou o le a tauia Maria i le i'uga o lona olaga fa'alalolagi nei. Na te le'i tu'ua ina ia pala o ia i se tu'ugamau, ae na aveina o ia i le lagi ina ia fa'atasi ma lona Alo i le fa'avavau.

Ma o ai, ua fesiligia nei, e talitonu o le nofoga tumau a le Upu a le Atua,

le malumalu a le Agaga Pa'ia, o le a fa'aitiitia e pei o se fale ua malepe? Ua fa'atumulia lo'u nei agaga i le mafatia i le manatua o lenei tino taupou na fanaua le Atua, na aumaia o ia i le lalolagi nei, fafaga ma fe'avea'i o ia, na mafai ona liua ma efuefu ma avea ma mea'ai a Anufe" (Sagato Ropati Bellarmine).

O ai se atali'i na te le toe fa'afō'ia maia lona tinā i lenei olaga, ma le aumaia o ia i Parataiso i le mae'a o lona maliu pe a mafai? (Sagato Faranisisi o de Sales). O se tautinoga fa'apea e fai ma molimau i le alofa ma le fa'aaloalo ua tu'u atu iā Maria talu mai ona foa'i o ia e lona Alo o se Tinā mo lana Eklesia fanaufouina.

O LE SI'ITIAGA O MARIA I LE LAGI (15 Aukuso o Tausaga ta'itasi)

O le aso 1 Novema 1950, na fa'amatala lelei ai e Pope Pio XII le Si'itiaga o Maria i le Lagi o se talitonuga o le fa'atuatua. "Ua tatou fa'ailoa, folafola ma fa'amatala lenei o se fa'ailogia mamana fa'aaliga fa'afa'atuatua o le Tinā imakulata o le Atua, le Taupou o Maria, ina ua mae'a lona olaga fa'alolagi nei, na si'itia le tino ma le agaga i le mamalu o le lagi". Na fa'ailoaina e le Pope lenei talitonuga ina ua mae'a se fa'atalanoaga laua'itele ma epikopo, ma tagatā lotu fai telosia. Sa i ai lava nisi sa le fiafia. O le mea sa fa'aalia e le Pope ua talitonuina e le Ekalesia Katoliko.

Ua tatou maua ni lauga sa faia e uiga i le Si'itiaga i le Lagi mai le seneturi ono. I seneturi na mulimuli mai ai o Eklesia i Sasa'e sa taofiofi mau i a'oa'oga, ae o nisi o le 'au tusi tala mai Sisifo sa masalosalo. Ae ui i lea, i le seneturi 13 sa i ai se maliliega autasi. O lenei sulufaga sa patipatia i nisi igoa (Fa'amanatuga,

le alu'ese mai o le Taupou mai lona olaga fa'alalolagi nei, Pasi atu, Si'itiaga) mai le lima po'o le ono o seneturi.

E le o aumaia e le Tusi Paia se fa'amatalaga o le si'itiaga o Maria i le lagi. Ae ui i lea, o le Fa'aaliga 12 ua talanoa mai i se fafine ua 'oīa i le taua i le va o le lelei ma le leaga ma

o le Feagaiga Fou, o lona Si'itiaga ua va'aia o se fa'ata'ita'iga o le manumalō a le fafine. E le gata i lea, i le 1 Korinito 15: 20 o lo'o talanoa mai Paulo i le toetū o Keriso o se uluia'i fua o latou ua tulimomoe. Ona sa feso'ota'i latalata Maria ma misitelio uma o le olaga o lesu, e le fa'ate'ia ai o le

Agaga Pa'ia ua na ta'ita'ia le Ekalesia ina ia talitonu i le fa'asoa a Maria i lona fa'amamaluina. Sa latalata tele o ia iā lesu i lenei lalolagi, atonu o lo'o fa'atasi fo'i ma ia tino ma le agaga i le lagi.

O LE PESE A LE 'AU'AUNA (FA'AUAUA MAI LOMIGA TALU AI)

O LE FA'ASAusILI O LE LOTO MA LE MAFAUFAU UA IA TU'UINA ATU AI I LE FAIGAMALAGA

'O galuega a lona lima taumatau ua fa'aalia lona malosi; le fa'asausili o le loto ma le mafaufau ua ia fa'asavalia, ua tulei ifo e ia o ali'i nai o latou nofoali'i, a ua fa'aeaina e ia o e fa'amaualalo'. Ua tatou va'aia fo'i Maria ua fa'aosofaina e le va'ai loloto ma le amio Atua a le Feagaiaga Tuai ma le tala'aga a le fa'aolataga. Ae peita'i a'u, 'ou te sa'ili atu i le Atua, ou te tu'uina atu la'u mea ile Atua. O lē ua faia mea tetele e lē masu'esu'eina, o wavega e lē mafaitaulia. O lē ua foa'iina mai le timu i le lau'ele'ele, o lē ua tu'uina mai fo'i o vai i le vao. E ava'e ile mea mauluga o ē ua maulalo; e fa'aeaina fo'i o ē ua fa'anoanoa ia saogalemū ai. Ua fa'aleaogāina e ia o mafaufauga o ē fai togafiti, ona lē fai ai lea i o latou lima mea ua latou manatu i ai. E maula e ia o ē popoto iā latou lava togafitiga, e fa'aleaogāina fo'i le pule a ē fa'a'ole'ole (lopū 5: 8 – 13).

O le pese a Maria ua fa'ailoaina mai e le sa'o pe a fa'atuma'otiina se talitonuga i se tagata e to'atasi. Ua mamao Maria ma i latou ua manatu na o latou lava ma a latou fa'aolataga ma le mafanafana fa'aleagaga. O Maria o le fa'auō a le Fa'aola a le lalolagi. Ua ia mauaina le uiga tonu o le tala'aga o le fa'aolataga aemaise le fete'ena'iga i le va o le 'Au'auna a le Atua o le na fa'aaloalo i le pa'iaga – uma ma le Atua alofa, ma le tatalo, le agaga loto malō ua tu'uina atu o ia lava ina ia fa'avaivaia tagata e ala i le fa'aogaina sesē o le pule, le au vaivai ma le au matitiva. E leai lava ma se isi, o Maria ua iloaina le fete'ena'iga i le va o nei fa'amoemoega 'ese'ese fa'amesia i tagata o Israelu. O le vasega a ositaulaga ma le malosi o le 'ele'ele ua fa'atalitali mo se Mesia mata'utia, o se tagatā nu'u, e mafai ona fa'ato'ilaloina isi malō i le malosi a Israelu. E o'o lava i tagata o Nasareta ma nisi o 'auaiga a Maria fa'apea i latou na amata ona mulimuli iā Keriso o ni so'o ua pu'eina e nei fa'amoemoega ma talitonuga pepelo. I se tu'ufa'afeagai, o Maria mai le amataga lava, na pese ma lona olaga atoa, le fa'amoemoega moni: le 'Au'auna a le Atua, le Mesia ua auina mai e le Tamā o le tu'uina le fa'asausili e faimalaga; ua ia tatala le auala o le fa'aolataga iā i tatou e ala i lona lotomaualalo ua fa'aali mai e Maria, lana 'au'auna agamalū o lē o le a tū i lalo o lona koluse.

O tatou ta'ito'atasi e ao ona su'esu'e lona lava tala'aga o lona olaga i le malamalama'aga o le Pese a Maria, ma aimaise i le malamalama o lenei fete'ena'iga ua mafai ai e Keriso, le 'Au'auna ona sopo'ia le fa'asausili ma le mimita laua'itele. I lenei lava va'aiga, e tatau ona a'oa'oina le tala'aga a le Ekalesia. I le va'aiga, o lo'o olaola ma maua le fesoasoani a le Atua i so'o se mea e mulimuli ai ia Maria, le tama'ita'i, Keriso, le 'Au'auna. E ala i le agaga o le maulalo ma le agamalū, e mafai e le Ekalesia ona tosiga atu le motu o tagata iā Keriso. Afai e tatou te peseina le pese a le 'Au'auna fa'atasi ma Maria ma losefo, o le a tatou malamalama lelei ai i le uiga loloto i tala'aga o le fa'aolataga. I luma o tataou va'ai e tatau ona tū ai lesu, o lē ua fa'atasi ma Maria ma losefo ma le au matitiva, ola ai lona olaga i aso ta'itasi i le lotomaualalo. O tagata lotomaualalo o lo'o fa'amaopopoina le lalolagi; o i latou ia o lo'o fa'aauau e lesu ona fa'aali i ai o ia.

A tatou fa'alogologo i le Pese a Maria, o le ā le 'ese'esega ua tatou maua mai i āta taufa'asesē ma fa'aaliga lē moni ua talitonu i ai tagata o lo tatou Tinā ua fa'aalia lona uiga i ofu ma faitioga o le pupu'u o sakeke a fafine! O Maria e lē

mulimulita'i i ni faiga fa'asauniga. E talanoa i tagata ma le fa'aeteete, ae fa'aaauau e ala i lana pese o lona olaga e talanoa mai ai iā i tatou i sini autu o le fa'aolataga, i le fa'atinoina o le pule ma le agamalū, ma le manatu mo le lelei laua'itele, i le faimeatonu ma le filemū, ma le fa'aaloalo mo latou e vaivai ma le sauāina.

Matou te vivi'i iā te oe, le Atua e pa'ia ma le silisili 'ese

Ona sa e faia ma e te tu'ua lava le faigamalaga a le fa'asausili

Le fa'asauā ma le amioletonu.

E te i ai pea ma lē ua sauāina

le maualalo ma lē ua fa'ate'aina.

Matou te vi'ia oe, ona ua e fa'aeaina lau

Auauna agamalū, Iesu Keriso;

Ua e tu'uina i ai se igoa e sili atu i igoa uma;

ma ua e fa'aeaina Maria, le 'au'auna fafine agamalū

e avea ma Masiofo o le lagi.

Ua e fa'aeaeaina o ia o se perofeta sili.

Maria e, ua silisili lava 'oe, mamalu ma le matagofie;

ua e olaina atoatoa le misitelia o le fa'aolataga,

Imakulata ma e leai o se fa'anaunau mo le pule.

Tatalo mo matou ina ave'ese mai matou e le Ali'i

mai fa'aososoga i le fa'asausili, manatu fa'atauva'a ma le fa'aogaina o isi. Amene.....fa'aaauau pea...

O PEROFETAGA MATAGOFIE MAI LE TUSI PA'IA UA FA'ATAUNU'UINA

13

O le toa'tele o tagata ua ta'ua i latou o Kerisiano ua iloaina i se auala laua'itele o ulua'i Kerisiano o a latou tusitusiga pa'ia ua tatou iloaina i aso nei o le Feagaiga Tuai.Ua latou iloaina o tagata i le vaitau o Iesu o Nasareta sa faiatauina nei tusitusiga ma malamalamā mai ai o Iesu o le Mesia na valo'ia.

Ae lē to'atele ua iloaina le tele o perofetaga matagofie o lo'o i le Tusi Pa'ia. E fuafua i lau faiatau, po'o le va o lona vae fa po'o le vae tolu o lau Tusi Pa'ia, o perofetaga, e pei ona fai mai ai se tasi o ali'i su'esu'e, o lau Tusi Pa'ia o lo'o maua i ai le 1, 817 le aofa'i o valo'aga e uiga i le lumana'i. Ua le gata o na perofetaga ua fa'amatala mai ai le sau o Iesu Keriso; ua fa'amatala mai ai fo'i e uiga i le alu a'e ma le pa'u'ū o malō ma mala ma fa'ama'i o iuga – o taimi o le a fa'ai'ua ai ola o tagata pe 'ana lē perofetaina le toe sau o Iesu Keriso i le lalolagi nei le Malō o le Atua.

O le a tatou va'ava'ai i ni nai fa'ata'ita'iga matagofie – ma o a latou uiga mo lou fa'atuatua ma lou lumana'i.

O Le Mesia na Valo'ia

O se tasi o fa'ata'ita'iga uiga 'ese ma le matagofie o le perofetaga Tusi Pa'ia ua fa'ataunu'uina o le tele o taimi na ta'ua ai le Mesia na valo'ia. O lo'o i le Feagaiga Tuai pe sili atu ma le 300 fa'amatalaga ua fa'asino i lona sau. O le a se tulaga i nei valo'aga e 300 pe na fa'ataunu'uina? Sa taumafai nisi e su'esu'e le mafai e le tagata e to'atasi ona fa'ataunu'uina o nei valo'aga? A tatou mafaufau iai po'o le a le mafai e se tagata e to'atasi ona fa'ataunu'u pe na o le 48 mai le 300? A tu'u atu i se isi manatu, e tutusa ma le su'eina o se fetu e tasi i le vateatea – pe fuafuaina na o le 48 mai le 300 valo'aga.

O nisi e taumafai fe atufatu ni manatu i nei mau e taumafai ai e fa'aitiitia le fa'aosofiaga a le Tusi Pa'ia pe va'ai i ulua'i Kerisiano e vālea.

Tatou va'ava'ai fa'apitoa i nisi o valoa'aga fa'aperofeta ma le fa'ataunu'uina.

Fa'auta e tō le taupou ma fanau mai le tama tane (Mataio 1: 23; Isaia 7: 14).

O le a fanau mai o ia i Petele'ema (Mataio 2: 6; Ioane 7: 42; Mika 5: 2)

O PEROFETAGA MATAGOFIE MAI LE TUSI PA'IA UA FA'ATAUNU'UINA

Na aumau ai o la i Aikupito (Mataio 2: 15; Hosea 11: 1)

O le a nofo ai o ia i Kalilaia (Mataio 4: 15; Isaia 9: 1, 2)
...

O lona sau o le a fa'ailoa mai e pei o le folafolaga – fa'a – Elia (Mataio 3: 3; 11: 10 – 14; Mataio 1: 2 – 3; Luka 3: 4 – 6; 7: 27; Ioane 1: 23; Isaia 40: 3 – 5; Malaki 3: 1; 4: 5).

O lana Misiona ma le Tala'iga o le Fa'amalologa (Mataio 8: 17; Isaia 53: 4)..

Na fa'alataina e se Uō mo le 30 Tupe Siliva (Mataio 27: 9 – 10; Ioane 13: 18; Sakaria 11: 12 – 13; Salamo 41: 9)..

{Ma } o Lona Itū o le ā tutu'ia (Ioane 19: 37; Sakaria 12: 10; Salamo 22: 16)

O nisi nei o perotaga ua fa'ataunu'uina e uiga i le Mesia. O le isi perofetaga tāua e a'afia ai le taimi o Lona sau. O le au lutaia i taimi o lesu na iloaina le perotaga tāua a Tanielu na valo'ia ai le fa'aaliga a le Mesia: "Ua atofaina vayasosa e fitugafulu i lou nu'u ma lau 'a'ai pa'ia, e fa'auma ai le solitulafono ma fa'ai'u ai agasala; e fai ai fo'i le togisala mo agasala, ma fa'ao'oina mai ai le amiontu e fa'avavau, e fa'amaufa'ailogaina fo'i le fa'aaliga ma le valoa'aga, e fa'au'uina ai fo'i mea silisili ona pa'ia" (Tanielu 9: 24).

Maitau o lenei tagata na perofetaina o le a ia faia se fa'aleleiga mo amioletonu! E tele tusitusiga ua fa'aalia mai ai o le Mesia o le a maliu mo agasala a le lalolagi ina ia fa'amagalo ai i tatou ma fa'aleleia i le Atua. Na molimau Ioane le Papatiso, fa'asino īā Keriso, "Fa'auta! Le Tama'imamoe a le Atua, na te ave'esea le agasala a le lalolagi!" (Ioane 1: 29). E uiga ia Keriso, ua tatou faitau ai fo'i, "o ia fo'i ua tatou maua ai le togiola i lona toto, o le fa'amāgaloina o agasala, e tusa ma le 'oloa faula'i o lona alofa tunoa" (Efeso 1: 7).

O le perofetaga a Tanielu ua fa'amanatu mai ai īā i tatou o le tasi o mafua'aga tāua o le sau o le Mesia o

le faia lea o fa'aleleiga mo amioletonu. O ta'ito'atasi e mafai ona fa'amagaloina a tatou agasala e ala i le toto o Keriso, pe a tatou faia e pei ona poloa'ia e lesu: "Inā salamō ia ma fa'atuatua i le tala lelei" (Mareko 1: 15). Mulimuli ane, o le Apostolo o Peteru na a'oa'o atu i le motu o tagata i le Aso o le Penetekoso, "Inā salamō ia, ma ia ta'itasi ma papatisoina outou uma ile suafa o lesu Keriso, mo le fa'amāgaloina o agasala; ona maua lea e outou ma le mea foa'i fua mai, o le Agaga Pa'ia lea" (Galuega 2: 38). Ua e salamō? Pe e te talitonu i le Tala moni o le Malō o le Atua?

Ae e anoano a'i lava mai le perofetaga a Tanielu. I le gagana fa'aperofeta, o le "aso" e masani ona fa'ailoa ai se tausaga o le fa'ataunu'uina. O le perofetaga a Tanielu o lo'o fa'apea mai o le 69 o vайaso aga'i atu i le Mesia, e ta'itasi ma a'afia ai le fitu o aso – 483 tausaga fa'aperofeta. "la e iloa fo'i ma e manatunatu, e āfua mai i le o'o atu o le poloa'iga ia toe faia ma ia atiina a'e Ierusalem, e o'o atu i le Mesia le Perenise, e fitu vайасоsā ma vайасоsā e onogafulu ma le lua, e toe faia le ala tele ma le pā i ona po lava o le puapuagā" (Tanielu 9: 25).

O le mea lea, a tatou iloaina le taimi na amata ai valo'aga nei, ua mafai ona tatou iloaina le taimi e amata le galuega o le fa'aleleiga a Keriso. E mālie lava, i le tele o le au atamamai o lo'o fa'asino i le fa'atonuga a Aretaseta o se taimi amata, ua fa'atulagaina e le au tusi tala fa'asolopito i le 457 BC. O le a le tausaga 483 mulimuli ane? Ona e leai se tausaga 0, ua tatou va'aia e pei ona fai mai le valo'aga a Tanielu, o le galuega a le Mesia na amata i le AD 27!

O lo'o fai mai le evagelia a Luka, i le mae'a ona papatisoina o lesu e Ioane i le vai o Oritana, "O lesu fo'i, po ua tolugafulu o ona tausaga, ina ua amata lana galuega" (Luka 3: 24). O le fesili la, o anafea na fanau ai lesu? A tatou to'ese le 30 tausaga mai le AD 27, ona tatou o mai ai lea i le 4 BC – o le molimau a le au su'esu'e na fanau ai lesu. Ioe, o lesu Keriso na fa'ataunu'uina le valo'aga a Tanielu, i le tausaga

tonu, na amata ai lana galuega o le fa'aleleiga mo amioga letonu i le AD 27!

A o lea fo'i e i ai isi vaega o le valo'aga a Tanielu mo Keriso e fa'atunu'u pe a toe sau o la. Ua fa'amatala e Tanielu isi misiona e tolu mo le lumana'i. A toe sau o la, o le a fa'ataunu'uina e le Mesia perofetaga "e fa'ao'oina mai ai le amiontu e fa'avavau, e fa'amaufa'ailogaina fo'i le fa'aaliga ma le valo'aga, e fa'au'uina ai fo'i le mea silisili ona pa'ia" (Tanielu 9: 24).

Maitauina o le "silisili ona pa'ia" o lo'o fa'asino lea i le Malumalu i Ierusalem, o le a fa'avaeina ma galueaina i le taimi o le sau o le Mileniuma (cf. Esekielu 40 – 43). E pei ona va'aia i le gagana Peretania le fa'aliliuga o le Tusi Pa'ia ua fatauina "o le Nofoaga ua Silisili le Pa'ia,"

O LE PA'Ū O SE MALŌ NA VALO'IA

E le tatau ona tatou maofa o le Atua Silisili e mafai ona aumaia ni valo'aga mai seneturi ma ni mileniuma ae le'i fa'ataunu'uina. Na ala ile perofeta o Isaia sa ia fa'ailoa mai ai e fa'apea, "la outou manatunatu i mea muamua talu mai le vavau, auā o a'u o le Atua, e leai lava se tasi; o le Atua, e leai se ma te tutusa. O lo'o fa'aali talu mai le amataga o mea e mulimuli; mai anamua fo'i o mea ua lē faia; o lo'o fai ane, "E tu la'u pule, ou te faia fo'i mea uma ou te loto i ai" (Isaia 46: 9 – 10).

O se tasi o fa'ata'ita'iga manaia ae fa'aleiloaina o le valo'aga na fa'ataunu'uina e uiga i le pa'ū o le malō anamua o Papelonia. I lea taimi na fa'aalia e le Atua i se perofetaga, o Papelonia o se malō tele ma le mata'utia i le lalolagi. O le manatu fa'aletagata sa le valo'ia lona fa'aumatia. Ae o perofetaga Tusi Pa'ia na valo'ia o lenei malō tele o le a fa'asauāina i si malō o se mea faigaluega o le fa'amasinoga a le Atua, ma ona fa'amasinoina ai lea o ia mo ana agasala.

Se'i mafaufau ane lava i le vaitau o le taua muamua a le lalolagi ae pe na fa'ailoa mai e se isi o Jacinda o le a avea ma Palemia o Niu Sila. E lē mafai? I luma atu mo le selau tausaga ae le'i pa'ū le malō tele o Papelonia, o le perofeta o Isaia na aumai le igoa o le tagata o le a afua mai ai le to'ilalo o Papelonia. Na fa'apea mai le Atua e uiga iā Kuresa, "o lo'u leoleo mamoe o ia; na te fa'ataunu'uina fo'i o mea uma ou te loto i ai;" o lo'o fai atu fo'i Ierusalem, "E faia lava oe". O lo'o fai atu i le malumalu, "E te fa'avaeina lava oe" (Isaia 44: 28). O Kuresa na avea ma tupu o le au Peresia mai le 558 – 529 i luma atu o Keriso. O Isaia la, sa perofetaina i le seneturi 8 i luma atu o Keriso se tupu fa'atoā fanau mai i le seneturi ono i luma atu o Keriso!

E le gata na valo'ia e Isaia Kuresa i lona igoa; ae sa ia valo'ia fo'i o le a ulu atu i Papelonia ma pulea. O Kuresa na lavea'ina Israuelu ma toe fa'afō'i atu i latou i Ierusalem ma toe fausia le malumalu lona lua. I seneturi i luma atu, na folafolaina ai e le Atua o le a ia fa'aogaina Kuresa i se auala fa'apitoa: O lo'o fa'apea ona fetalai mai o le ALI'I i lē ua fa'au'uina e ia, o Kuresa. O lē ua ou tāofia lona lima taumatau, - ia fa'ato'ilaloina nu'u i lona lima. Ou te tatalaina fo'i sulugatiti o tupu; e tatalaina i ona luma o puipui vae lua; e lē punitia fo'i faitoto'a. O a'u lava ou te savali atu i ou luma, ma 'ou fa'alauleleia mea mapu'epu'e; ou te nutinini'i i puipui apamemea; ou te gauia fo'i fa'amau u'amea. Ou te foai fo'i iā te 'oe oloa o lo'o i le pogisā, ma oloa lilo o lo'o i mea nanā; ina ia e iloa o a'u lava o le Ali'i, o lē vala'au i lou lava igoa, o le Atua o Israuelu" (Isaia 45: 1 – 3)....fa'aauau pea.....

PHOTO GALLERY

Au fa'atasiga a le falelua o Wainuiomata ma Petone o le Palisi o Te Wairua Tapu i le Taulaga Pa'ia o le Misasa.

O le fa'amoemoe ua taunu'u, o le la'au o le ola lea. Ua tini pa'ō ai nei fo'i le uto e pei o le faiva i vai. O se fa'amoemoe sa fau ao ma fau po e ala i le tofā ma utaga sa'ilī i Afioga i Peresetene ma Ofisa mamalu, aemaise fo'i o finagalo o Ekalesia ina ia tupu lea miti. E ui lava fo'i o se vaega o fetu'utu'una'i fa'ala'au mamafa i ai polokalame a le Pule'aga ona o le to'a o feagai ai ma le toaititi o le au faigaluega Pelepitelo. Atonu e le faigofie ae ao lava ona tatou talia le taimi o suiga. O se mafutaga fiafia na molimauina e le tatou Ofisa, i le fa'atumulia e le gata i Ekalesia e lua a 'o aiga ma uō sa au atu ai fa'atasī ma molimauina le Taulaga Pa'ia o le Misasa tu'u fa'atasī. Matagofie tapenaga o le sauniga i ona vaega uma aemaise le aufaipese tu'ufa'atasī i o latou si'ufofoga mālie. Ole mae'a ai o le Taulaga Pa'ia o le Misasa, ona alo ai loa lea o le falelua ae maise aiga ma uō ma le au asiasi i le taumafataga tele sa saunia, ae maise o fa'aalolaoga masani auā Patele, Tama'ita'isā, le Aufaigaluega ma le au vala'aulia. Momoli le agaga o le fa'afetai tele, fai ma fofoga ia Salā aemaise le ofisa tutotonu ma le Kapelanisia e matou te fa'amanuia atu ai i lo outou Falelua i Afioga i Peresetene ma Ofisa ae maise le tapuaiga a Aulotu e lua. Ia mnauai fa'amoemoega uma ole lumana'i.

Fa'afetai

Vueli Tuitolova'a (Ofisa Tutotonu).

16



FA'ALIGA

Lepa ia i le foe ae mapu i le to'o le pa'ia maualuga o le tatou Kapelanisia. E fa'asilasila atu ma le fa'aalolao tele lava, o le Aso 15 o Aukuso i le itula 2.00 ile aoauli o le a fa'ataunu'u ai le Misasa o le fa'amanatuina o le Si'itiaga o Maria i le Lagi, le Sulufaga a Aotearoa Niu Sila nei i le malumalu o St. Marys of the Angels le numera 17 Boulcott Street, Wellington Central. Ua talosagaina ai le Kapelanisia Samoa e fa'atinoa le IFOGA i lea Misasa ma e talosaga atu ai i le tatou Kapelanisia atoa ina ia tatou 'au ai uma fa'atasi e lagolagoina lea fa'amoemoe. E i ai le agaga maualuga lava o le a tatou fa'atasi ai i lea aso. O le a ta'ita'iina e Newtown ma Seatoun le pese e fa'atino ai lea fa'amoemoe ae mana'omia le tatou 'au fa'atasi uma ai.

Fa'afetai Lava

Komiti Fa'afoe.

FAITAUGA MO LE MASINA O AUKUSO 2021

17

ASO 1 AUKUSO—ASO SA 18 TAUSAGA MASANI

Faitauga 1: Esoto 16: 2 – 4, 12 – 15: Matua: 'Ou te fa'atotoina ifo mea e 'ai mai le lagi ma outou.

Salamo: 78: 3 – 4 (tali), 23 – 24 (tali), 25, 54 (tali): Tali: Na avatua e le Ali'i iā te i latou o mea e 'ai mai le lagi.

Faitauga 2: Efeso 4: 17, 20 – 24 : Matua: la 'o'ofu outou i le tagata fou ua faia e foliga i le Atua

Aleluia, Aleluia....O a'u nei o le ala, ma le upu moni, ma le ola; e lē alu atu lava se tasi i le Tamā, pe a lē ui mai iā te a'u ... Aleluia.

Evagelia: Ioane 6: 24 – 35: Matua: O lē sau iā te a'u, e lē fia 'ai lava ia; o lē fa'atuatua fo'i iā te a'u, e lē toe fia inu lava ia.

Tofitofiga O le Upu:

O le faitauga muamua mai le tusi a Esoto ua tu'uina mai se fa'amatalaga o le meaalofa o le manai i le toafa – le falaoa ua avatu e le Ali'i i ona tagata. Ae o le nofoaga o le 'faa'iloga' a Ioane o le fafagaina o le motu o tagata ua fa'alecoina mai ai ma le mautinoa le tala iā Mose. O Iesu ile savali ai i luga o le vai i luma mai o lenei tala ua toe manatua ai le vavega o le Sami Ulaula, le tulaga i le toafa/vao māoa ma le fafagaina o tagata ua fa'asino lea iā Mose; ma o lenā fa'amanatuga ua fa'ama'oti lelei mai i le fefā'atauaiga i le va o Iesu ma tagata. Ua fa'aiuga e tagata le fa'aupuga mai le Esoto o se gaioiga a Mose na faia i se taimi ua tuana'i: o lo'o finau mai Iesu, o le gaioiga a le Atua, e le'i faia i le taimi ua tuana'i, ae i le taimi nei; ma le isi o le fa'aupuga e lē o fa'auigaina ile falaoa o le manai, ae o le falaoa ola o Iesu lava ia. I le amataga o le faitauga ole evagelia mo le asō o lo'o taumafai tagata e

fa'amalieina o latou fia 'a'ai. Na fai atu Iesu iā i latou: 'Tou te le'i sa'ili mai outou iā te a'u, auā ua outou va'ai mai i fa'ailogia, ae ua outou 'a'ai i areto ma ma'o'ona ai.' I le fa'ai'uga o le faitauga, na talitonu i latou iā Iesu: "Le Ali'i e, 'aumai iā te i matou lenā areto, e le aunoa." O fa'ailogia na avatu e Iesu o ni vala'au ina ia va'ava'i toto'a, ia ulu atu i se talanoaga ma Iesu, ma ia liliu. I le evagelia a Ioane e leai se isi ua talitonu i ni fa'ailogia va'aia, o le liliu i le fa'ai'uga o le evagelia e mana'omia le feiloa'iga fa'aletagata ma le Ali'i, ma fa'alogo i lona leo. O lo'o tumau pea e fa'apea: o fa'aevangelia uma lava i le fa'ai'uga ua na o na ofoina mai o ni fa'ailogia ua mafai ai ona ta'ita'ia isi e feiloa'i atu ma le Ali'i ma la latou filifiliga e talia mea ua ia ofoina mai: 'o lē sau iā te a'u, e lē fia 'ai lava ia, o lē fa'atuatua fo'i iā te 'au, e lē toe fia inu lava ia.'

FAITAUGA MO LE MASINA O AUKUSO 2021

ASO 8 AUKUSO—ASO SA 19 AUKUSO—TAUSAGA MASANI

- Faitauga 1: 1 Tupu 19: 4 - 8 Matua: Ua alu ia i le malosi ona o lea mea na 'ai, ua o'o i le mauga o le Atua.
- Salamo: 34: 1 – 2 (tali), 3– 4 (tali), 5 – 6 (tali), 7 – 8 (tali), : Tali: Inā tofotofo ia outou, ma ia outou iloa e lelei le Ali'i.
- Faitauga 2: Efeso 4: 30 – 32: 5: 1—12 Matua: O le mea lilo tāua tele lenei e uiga īā Keriso ma le Ekalesia.
- Aleluia, Aleluia...O a'u nei o le ala, ma le upu moni, ma le ola; e lē alu atu lava se tasi i le Tamā, pe a lē ui mai īā te a'u... Aleluia.
- Evagelia: Ioane 6: 41 – 51: Matua: O a'u o le areto ola na alu ifo mai le lagi



Tofitofiga O le Upu:

E i ai se fesuia'iga fa'afuase'i mai le evagelia i le faitauga le vaiaso ua tuana'i na muamua mai i le vaega lenei. Ona 'o tagata sa sa'ilī atu īā Iesu, a o lenei ua muimui le au Iutaia – o se upu sa manino lava le filifilia e fa'aleo mai ai le muimui ma le tomumumu o Iutaia īā Mose (ma le Atua) i le toafa i taimi o le Sosolaga. O se autū masani i le evagelia a Ioane ua toe fa'aauau – le amataga o Iesu: 'Ua matou iloaina lona tamā ma lona tinā'. I le amataga lava o le Evagelia ua 'ese le mea ua ta'u īā i latou sa fa'alogologo: 'Sa i le amataga le Upu, sa i le Atua le Upu, o le Atua fo'i le Upu'. Ua toe manatua ai i se fa'aupuga tāua mai le tusi o Teuterenome: 'e lē na o mea e 'ai e ola ai le tagata, a o mea uma e tulei mai le fofoga o le Atua' (Teuterenome 8: 3). E ao fo'i ona maitauina ina

ua finau mai pea Iesu mo i latou uma e o mai īā te ia o le a lē fia 'a'ai pe fia feinu, ua ia fa'aleoina maia le folafolaga o le Utamamao mamana mai Sirako (24: 21). O le fe'au ua aumai e Ioane ua toe fa'amautū aloa'ia maia o Iesu o le fa'aaliga moni o le Atua, ma aumai ai ma fa'amaoniga mo i latou ua va'ai i ai. E i ai latou (e masani ona ta'ua e Ioane 'o lo'o tau atagia mai ai le te'ena na feagai ma lana fa'apopototoga) e mumusu e va'ava'ai i fa'amaoniga. O le faitauga muamua ua ofoina maia se fa'atusa lelei: o le ata fi-afia pe fia fai mea malie – le ata o Elia i lalo o le vao ma le manatu- ma'imaue pe ana oti, ua fa'aalia ai se tasi ua fa'aogaina le upu a le Atua ma ua mafai ai ona fa'ataunu'uina fa'atonuga a le Atua i le malosi o mea 'ai na avatu i ai.

18

ASO 15 AUKUSO — SULUFAGA O LE SI'ITIAGA O MARIA I LE LAGI — SULUFAGA O AOTEAROA NIU SILA

- Faitauga 1: Fa'aaliga 11: 19, 12: 1 – 6, 10: Matua: O le fafine ua ofu i le la, ua i lalo o ona vae le masina.
- Salamo: 45: 9 (tali), 10 (tali), 11 (tali), 15 (tali): Tali: Ua tu mai le masiofo i lo'u itū taumatālu, ua 'ofu ia i le auro lelei.
- Faitauga 2: 1 Korinito 15: 20 – 26: Matua: O le ulua'i fua o Keriso ia, mulimuli ane o e ua fai mōna.
- Aleluia, Aleluia...Ua si'itia Maria i le lagi, ua olioli le au agelu ... Aleluia.
- Evagelia: Luka 1: 39 – 56: Matua: O lē e ona le mana ua faia e ia mea silisili mo a'u; ua fa'aeaina e ia o e fa'amaualalo.



Tofitofiga O le Upu: O se fa'amatalaga uiga 'ese ma se āta manino lona tusia o le faitauga mai le tusi o Fa'aaliga e mafai ona a'afia tele ai le sauniga, ae i tua atu o le gagana fa'asolo o lo'o ta'oto ai se moni fa'atelia tāua e uiga i tagata uma o le Atua. O le tu'u fa'atasia o le fafine i le tusi o Fa'aaliga ma Maria e māua mai ulua'i seneturi e tele ua tuana'i a le Ekalesia, e ui sa lē ile mafaufau o lē na tusia le tusi, o ana āta fa'atusa fa'aapokolifa na sau mai le eliina o tusitusiga a perofeta. O Ioane, le na tusia, e masalomia sa īā ia ni tusitusiga e pei o Isaia 66:7 – 16 i lona mafaufau – o se tusitusiga o fa'amafanafanaga i le manumalō a le Atua i ona fili ma le fa'amausalīina o le olaola o tagata o le Atua i le lumana'i. O se fe'au fa'apenei ua ulufia ai galuega ma ofoina mai ai le fa'amalosi'au i Kerisiano uma – latou na

fa'asauaina, ae mo latou uma ua tauivi ma le fa'atuatua i se lalolagi e leai se alofa. O le fe'au autū mai faitauga o le asō – ma le tusi atoa o le Fa'aaliga – o Keriso ua manumalō, ma ole manumalō mulimuli e le fesiligia. O le uiga lenā o le sulufaga o le asō. O le fa'ailoaina mai o Maria ua si'itia i le lagi, ua fa'amanatu mai pea e le Ekalesia o le fa'agasologa o le fa'aolataga o tagata a le Atua ua amata, ma 'o latou e totino īā te ia' o le a fa'asoia i lona olaga e pei ona fai mai Paulo i le faitauga lona lua. O le pese a Maria o se tusitusiga fa'aperofeta ua ta'u maia īā i latou e fa'alogologo o mea na faia e le Atua, o lo'o faia pea ma o le a faia – ma ua ausia īā Maria ma o le a fa'ataunu'uina 'mai augatupulaga i augatupulaga īā i latou e mata'u īā te ia.

FAITAUGA MO LE MASINA O AUKUSO 2021

ASO 22 AUKUSO—ASO SA 21 TAUSAGA MASANI

Faitauga 1: Iosua 24: 1 – 2, 15 – 18: Matua: Matou te 'au'auna ile Ali'i, auā o ia lava lo tatou Atua.

Salamo: 34: 1 – 2 (tali), 15 – 16 (tali), 17 – 18 (tali), 19 – 20 (tali), 21 – 22 (tali) : Tali: Inā tofotofō ia outou, ma ia outou iloa e lelei le Ali'i.

Faitauga 2: Efeso 5: 21 – 32 : Matua: O le mea lilo tāua tele lenei e uiga iā Keriso ma le Ekalesia.

Aleluia, Aleluia....Afai e alofa mai se tasi iā te a'u, e tausia e ia la'u upu; e alofa fo'i lo'u Tamā iā te ia; e o mai fo'i i maua iā te ia, matou te nonofo ma ia Aleluia.

Evagelia: Ioane 6: 60–69. Matua: A matou o 'ea iā te ai? O iā te 'oe upu o le ola fa'avavau.



Tofitofiga O le Upu: O le faitauga mai ia losua ua sauniuni ai i tatou mo le evagelia o le asō o la e vala'au mai mo se fa'ai'uga. Na fa'apopototo tagata Isaraelua ia losua o lē na ta'ita'ia i latou i le Nu'u na Folafolaina i ai ma fa'asoa atu i ituaiga ta'itasi a latou vaega o le ele'ele. Ua uma le galuega a losua ma i le taufa'ai'ui'u o lona ola sa ia fa'apopototo mai ai ituaiga ta'itasi ma tu'uina atu le avanoa mo latou e filifili ai po'o mo le Atua pe te'ea le Atua o o latou tua'ā. O le tali o se fa'amausalī tele o lo latou fa'atuatua ile Ali'i lo latou Atua. O le ata ua tusia – e pei o le tele i le tusi a losua – e aumai sa'o lava toe lē faigatā: ae le fa'apea le evagelia.

O le evagelia a loane, e pei o evagelia sinopi e tolu, e masani ona fa'amatala le te'ea o lesu mai tagata 'ese, ae o le evagelia o le asō ua tatou fa'alologo ai i so'o ua tu'ua lesu ma ana a'oa'oga – e lē o lutaia tete'e e masani ona ta'ua e loane ae o latou na mulimuli iā lesu. O le fevaevaeā'i ma le savali 'ese

mai o tagata ole fa'apotopotoga e foliga mai o se moni i le tala'aga o latou na mulimuli iā lesu, ma o lo'o fa'apenā fo'i lava ona faia e nisi i nei aso. Ae o gagana e lē onosa'iā e nisi, o le 'fe'au lea o le ola e fa'avavau' mo isi. E ui o loane e le talanoa mai i Apostolo, o lo'o manino mai o lo'o ia fa'ailoaina se fa'apotopotoga ua ia fa'aigoaina o le 'To'asefululua'. Ma i lenā fa'apotopotoga o Peteru e faia upu: "Le Ali'i e, a matou o 'ea iā te ai? O iā te 'oe upu o le ola e fa'avavau. Ua matou talitonu, ma ua matou iloa o 'oe o le pa'iā o le Atua" (Ioane 6: 68 – 69). O se ta'uta'uina matagofie lenei o le fa'atuatua e pei ona tu'uina i ona laugutu i le tala'aga a evagelia fa'asinopi. E ao ona maitauina o le mafua'aga na lē fiafia ai latou na o 'ese, e pei o le mafua'aga mo latou sa tumau pea, o a'oa'oga a lesu o ia lava o le Falaoa o le Ola. O le fa'aiugalua o le komunio o se fa'atuatua ma le fa'atinoina o le Eukalisitia ua mau a'a lea i le fa'apotopotoga a loane ma o lo'o so'otaga i a'oa'oga a lesu lava ia.

19

ASO 29 AUKUSO—ASO SA 22 TAUSAGA MASANI

Faitauga 1: Teuteronome 4: 1 – 2, 6 – 8: Matua: Aua tou te fa'aopoopo se upu i upu 'ou te fai atu ai iā te outou; ia outou tausis i po loa'iga a le Ali'i.

Salamo: 15: 2 – 3 (tali), 4 (tali0, 5 (tali): Tali: Le Ali'i e, o ai ea e nofo i lou fale fetāfa'i.

Faitauga 2: Iakopo 1: 17 – 18, 21 – 22, 27 : Matua: Ia fai outou ma e 'ana'ana i le upu.



Aleluia, Aleluia....Ua 'ou ta'ua outou o uō, auā ua 'ou fa'ailoa atu iā te outou mea uma na 'ou fa'alogo ai i lo'u Tamā Aleluia.

Evagelia: Maleko 7: 1 – 8, 14 – 15, 21 – 23: Matua: Ua outou tu'ua le poloa'iga a le Atua, a e taofi i uputu'u a tagata.

Tofitofiga O le Upu: O se faitioga e faia aga'i i ituaiga 'ese'ese – na o galuega laua'itele e mafai ona galulue ai ma e manino lelei mai ituaiga o mea e su'esu'eina. O le fa'ailogaina o nei mea o se fesoasoani tele lea, ae e lē mafai ona fa'aalia mai ai mea o lo'o natia i le loloto o le tagata. O a tatou faitauga o le asō ua mafua ai le fesili o le maitauina ma tu ma āga, mai le Evagelia, o lo'o a'oa'o mai ai lesu o le tausia o poloa'iga o se va'aiga e le mailoa atu ai le a'afiaga o lo'o ta'oto mai i tottonu. I se tasi o tulaga o faitauga mai ia Teteronome ua foliga mai na o se fa'atonuga e mulimulita'iā tulafono. Ae o lo'o manino lelei mai le mafua'aga o le fa'atonuga 'ina ia e ola' ma talia le 'ele'ele ua folafolaina atu e le Atua, ma o nei tulafono e le'i so'ona faia ae o ni fa'ilogi i le 'atamamai ma le va'ai mamao' o nei tagata. O le

tusi a lakopo ua fa'alauatele mai ai lenei manatu – e le lava na o le fa'alogo i nei tulafono, o lo'o i ai ni mea e tatau ona fai – o latou ua maliliu avā ma tamaiti e leai ni matua o fa'ilogi ia o latou ua i ai le mana'omia ma le afaina gofie i sosaiete ma o nei tulafono ma fa'atonuga mo latou fo'i. O lesu i le evagelia o lo'o mata'itu i le avea o le tulafono o se vaega o le natura – o le leaga fa'atiapolo e sau mai totonu ma e mai i totonu o le tagata e ao ona fa'aoga mai ai le poloa'iga. O le tulafono fa'a- Kerisiano o tatalo ma le fa'aleleiga ua fa'ailoa lenei tu ma aga o se su'esu'eina o le loto ae le o ni su'ega ua fa'aoga mo mea ua va'aia, ae o se faiga na fuafua lelei ina ia mafai ai e le ola Kerisiano ona usita'iā le upu ua totō i totonu o 'oe.



FAITAUGA MO ASO SA MUAMUA O SETEMA 2021

ASO 5 SETEMA—ASO SA 23 TAUSAGA MASANI

Faitauga 1: Isaia 35: 4 – 7

Matua: E fa'alogoa taliga o e tutuli, e pese fo'i le laulaufaiva o le gūgū.

Salamo: 146: 7 (tali), 8 – 9 (tali), 10 (tali)

Tali: Lo'u agaga e, ia e vivi'i atu i le Atua.

Faitauga 2: Iakopo 2: 1 – 5

Matua: E lē ua filifilia ea e le Atua o e matitiva ia tofia fo'i i le malō?

Aleluia, Aleluia...Ua ou ta'ua outou o uō, auā ua ou fa'ailoa atu iā te outou mea uma na 'ou fa'alogeo ai i lo'u Tamā ...Aleluia.

Evagelia: Mareko 7: 31 – 37

Matua: Ua ia fa'alogoa e sa tutuli, atoa ma e sa gūgū sa ia fa'agaganaina.

FA'ASOLOGA O MISASA SAMOA MO AUKUSO 2021

20

Aso Sa Muamua			
1 Aukuso 2021	09:00 am	Holy Trinity—Seatoun	Patele Tuli
	12:00 am	Titahi Bay	Patele Tuli
Aso Sa Lua			
8 Aukuso 2021	11:30 am	Naenae	Patele Tuli
	12:00 pm	Taita	Patele Maleko
Aso Sa Tolu			
15 Aukuso 2021	11:00 am	Newtown	Patele Tuli
	11:00 am	Porirua	Patele Andrew
Aso Sa Fa			
22 Aukuso 2021	09:30 am	Te Wairua Tapu Petone	Patele Tuli
	11:00 am	Lower Hutt	Patele Maleko
	11:30 am	Stokes Valley	Patele Tuli

KALENA MO AUKUSO 2021

2 Aukuso

6:00pm Fonotaga
Kapelania @
Catholic Centre

16 Aukuso

6:00pm Fonotaga
Autalavou @
Catholic Centre

21 Aukuso

1:00pm Fonotaga
Ituiga Tolu @
Petone

Mikaele Teofilo:



m.teofilo@wn.catholic.org.nz



021 0818 5037

+64 4 496 1707

PO Box 1937, Wellington 6140, New Zealand